



DS
735
A2Y86
1771a
V. 48





御批歷代通鑑輯覽卷之九十五

元

世祖皇帝

帝名呼必賚。太祖少子圖類。追諡睿宗。事具前。第四子。母奇味

氏。諡莊聖太后。舊作怯烈氏。今改。帝嗣位。始建元立國號。俱見前。滅宋而

有天下。

丙子至元十三年。宋益王昀景炎元年。是年三月。元兵入臨安。宋統已絕。依前夏商例。一歲兩係。三

月以前。為宋帝昀德祐元年。三月以後。為元世祖至元十三年。仍以宋二王紀年。附注其下。春。三月。以

阿樓罕。董文炳。行省事于臨安。

巴延自臨安北還。承制留阿樓罕。董文炳。經畧閩浙。以

蒙固岱鎮浙西。索多鎮浙東。會江西都元帥蘇都爾岱

采自建炎南渡已屬偏安。然德祐以前尚有疆域可憑。朝廷規模未失。猶可比之東晉。至臨安既破。帝昀見俘。宗社成墟。宋統遂絕。則自丙子三月以後。正統即當歸之于元。若是曷二

王崎嶇海島雖諸臣殉國

苦心而殘喘苟延流離失

據不復成其為君且奉表

請降于元正與明唐桂二

王之黨跡聞讀者無異朕

近於國史傳凡斥唐桂二

王諸臣為偽者概令更正

為明蓋以其猶存一綫雖

不足稱正統然謂之為偽

實不可此萬世之公論也

今續綱目于景炎祥興仍

用大書紀年則又阿徇不

倫乖史筆之正即如元自

順帝北遷沙漠未嘗不子

孫繼立苗裔屬傳然既委

棄中原編年者即不復大

書故號此正也則知是易

之已失中原而仍大書故

言宋二王在閩廣聚兵將攻江西乃遣達春移軍與李

恒呂師夔會阿樓罕文炳同取未下州縣以追二王

閏月宋陳宜中等奉益王昀開府福州

宋陸秀夫蘇劉義等聞二王走溫州相繼追及于道遣

人召陳宜中于清澳宜中來謁復召張世傑于定海世

傑亦以所部兵來溫之江心寺

在今永嘉縣孤嶼山麓

舊有宋高

宗南奔時御座衆相率哭座下奉益王昀為都元帥廣

王昀副之發兵除吏以秀王與擇為福建察訪使先入

閩中撫吏民諭同姓檄召諸路忠義同謀興復會謝太

后遣二宦者以兵百人召二王還臨安宜中等沈其兵

江中遂入閩時汀建諸州方謀從黃萬石納欵

萬石嘗為福建

號之罪王矣夫廢興代嬗其書法自有一定不可稍存偏袒之私且史鑑所以昭法戒亦使為君者知統緒存亡當慎苞桑而禦馭朽苟弗克保承世業至于上宇失守大命以傾即曲御欺世苟延數日之虛名亦無補于救敗理本至公而垂戒亦至切也因為改正書法而闡其大旨如此

漕使故降附後欲聞二王至復閉門以拒萬石南建

應作

劍朱南劍州屬福州路注見前守臣林起鰲遣軍攻之萬石敗走宋人

兵勢稍振時宋人傳檄嶺海言夏貴已復潁江州郡諸將聞之以江路既絕不可北歸皆欲託計事

還靜江獨廣西宣慰使史格曰君等勿為虛聲所懼待貴踰嶺審不可北歸取途雲南未為不可豈敢輒棄成

哉行省又欲棄廣之肇慶德慶封州併兵戍梧州亦為格所沮靜江唐軍名宋置府今廣西桂林府是

宋主焘時焘已降續綱目尚書帝非是至瓜洲李庭芝使

姜才將兵襲瓜洲不克

宋主焘北行至瓜洲李庭芝與姜才涕泣誓將士出兵

奪兩宮將士皆感泣乃盡散金帛犒兵以四萬人夜擣

瓜洲戰三時眾擁焘避去才追戰至浦子市夜猶不退

阿珠使人招之才曰吾寧死豈作降將軍邪真州苗再

成亦謀出兵奪累不克。

夏五月宋人奉益王昀立于福州。

宋陳宜中等共立益王改元景炎尊度宗淑妃楊氏爲皇太妃同聽政。遙上宋主熈尊號爲孝恭懿聖皇帝。又上謝太后全太后尊號。進封廣王昀爲衛王。升福州爲福安府。以大都督府爲垂拱殿。便廳爲延和殿。王剛中知福州府。是日有大聲出府中。衆皆驚仆。

宋以陳宜中爲左丞相兼樞密使都督諸路軍馬。陳文龍

劉黻叅知政事。

黻尋卒。

張世傑爲樞密副使。陸秀夫簽書樞

密院事。

續綱目作直學士院。按宋史本紀及秀夫傳皆云爲端明殿學士。簽書樞密院事。與續綱目不同。似

得其實。今從之。

陳宜中以陸秀夫久在兵間。知軍務。每事咨訪始行。秀夫亦悉心匡贊。久之。與宜中議不合。宜中使言者劾罷之。乃謫居潮州。

時又以蘇劉義主管殿前司。召李庭芝為右丞相。姜才為保康軍承宣使。

宋以趙潛為江西制置使。吳浚

字允文。盱江人。

為江西招諭使。

宋人謀起兵興復。以潛為制置使。進兵邵武。謝枋得進兵饒州。李世達。方興等進兵浙東。吳浚為招諭使。鄒鳳

字鳳叔。吉水人。

副之。毛統由海道至淮。約兵會合。仍詔傅卓翟國秀等分道出師。時枋得敗走。已不能軍。

宋以文天祥為樞密使。同都督諸路軍馬。

天祥自溫州至福州。拜右丞相。兼樞密使。都督諸路軍馬。天祥以國事皆決于陳宜中。固辭不拜。乃以為樞密

使同都督天祥使呂武太平州人招豪傑于江淮杜汭募兵

于溫州。

封宋主昞為瀛國公。

初宋吳堅等至燕不得命留館中賈餘慶病卒惟家鉉
翁聞國亡旦夕哭泣不食飲者數十日宋主昞及全太
后至燕高應松亦不食卒堅及鉉翁迎謁伏地流涕稱
謝奉使無狀不能保存宗社巴延遂以昞赴上都見帝
于大安殿降封瀛國公凡家貲在杭越者有司輦至京
師付之帝嘗召宋降將問曰汝等降何容易對曰賈似
道專國每優禮文士而輕武臣臣等久積不平
故望風送款帝遣董文忠語之曰似道實輕汝曹特似
道一人之過汝主何負焉正如汝言則似道輕汝也固
宜

文武分途並進用本相資
原不可畸輕畸重乃宋時
士大夫積習往往賤武而
尊文本不可為訓至賈似
道秉鈞更復痛加裁抑令
其受制毛雛馴至內外乖

離筭風解體控制失宜其
咎自無可貸顧名分所昭
天澤有定既膺闕任卽義
在死綏若以御將乖方遂
爾甘心負主實爲悖逆之
尤元主所言大義凜然不
但杜亂臣之口亦足褫其
魄

以巴延同知樞密院事。

巴延入朝。帝命百官郊迎以勞之。既至。拜同知樞密院
事。尋詔以藤州元屬廣西道。今爲縣。屬梧州府。等處五千戶爲食邑。

建康安撫使索多克衛州。宋江東西湖南北宣撫大使留
夢炎降。

時衢婺諸州皆復起兵。董文炳謂索多曰。嚴州不守。臨
安必危。公往鎮之。未十日。諸州連兵來攻。索多連戰三
月。遂克婺州。衢守備甚嚴。索多率總管高興等鼓譟先
登。拔其城。宋故相留夢炎降。

六月。阿爾哈雅遣將克廣州。

宋廣東經畧使徐直諒遣其將梁雄飛請降于隆興。阿

爾哈雅假雄飛招討使使徇廣東既而直諒聞益王昱立乃復遣權通判李性道摧鋒軍將黃俊等拒雄飛于石門。山名在今廣州府南海縣西北兩山對峙屹若門關性道不戰俊戰敗直諒棄城遁雄飛遂入廣州諸降將皆授以官俊獨不受被害。

宋吳浚兵敗于南豐。

浚聚兵于廣昌。

宋縣今屬建昌府

復取南豐宜黃。

俱見前

寧都。

宋縣

今爲州直隸江西

三縣翟國秀取秀山傳卓至衢信諸縣民多

應之者會浚兵敗國秀引還卓兵亦敗詣江西元帥府

降。

已而張世傑遣都統張文虎與吳浚合兵十萬期必復建昌與元帥李恒戰兵敗浚奔寧都

秋七月宋文天祥開府南劍州。

天祥欲還溫州。以圖進取。陳宜中不從。蓋宜中棄溫州入閩。欲倚張世傑復浙東西。以自洗濯。乃命天祥開府南劍州。經畧江西。

宋揚州守將朱煥。泰州裨將孫貴等。以城降。李庭芝。姜才死之。淮東州縣皆平。

初。臨安旣下。阿珠以宋謝太后手詔。諭庭芝使降。庭芝登城謂使者曰。奉詔守城。未聞有詔諭降也。及宋主累次瓜洲謝太后復賜庭芝詔曰。比詔卿納款。日久未報。豈未悉吾意。尙欲固圉邪。今吾與嗣君旣已臣伏。卿尙爲誰守之。庭芝不答。命發弩射之。一使斃。餘皆奔去。阿珠乃遣兵守高郵。寶應。以絕其餉道。復遣使者持帝手

詔招降庭芝。開壁納使者。斬之。焚其詔。陣上。旣而淮安

盱眙。泗州糧盡。皆降。庭芝猶括民間粟以給兵。粟盡。令

官人出粟。粟又盡。令將校出粟。雜牛皮麴蘖給之。兵有

自食其子者。猶力戰不屈。姜才聞高郵米運將至。出步

騎五千。戰於丁村。自夜達旦。董士元一名布哈字長卿。文炳長子。戰

死。阿珠使巴延徹爾舊作巴顏察爾。今改。救之。所將皆阿珠麾下。

才軍識其旗幟。皆潰。才脫身走。阿珠請帝降詔赦庭芝。

焚詔殺使之罪。令早歸欵。庭芝不納。會福州召命至。庭

芝令制置副使朱煥守揚。而自與姜才將兵七千趨泰

州。將東入海。庭芝旣行。煥卽以城降。阿珠分道追及庭

芝。殺步卒千餘人。庭芝走入泰州。阿珠圍之。會姜才疽

庭芝固守揚州力戰不下
江淮殘局藉以支撐宋人
忽爾召還自撤藩蔽固爲
非計庭芝聞命自當執城

亡與亡之義。誓以死守。何亦援不俟駕之說。遽事過征。且以鎮守重寄。委付非人身。甫東行。朱煥卽以城降。敵遂至。進退失據。力屈捐軀。惜乎有忠貞之節。而智不足以濟之也。

發背。不能戰。泰州裨將孫貴。胡惟孝。開北門以降。庭芝赴蓮池中。水淺不死。遂與姜才俱被執。至揚州。阿珠責其不降。才曰。不降者我也。憤罵不已。然猶愛其才勇。未忍殺之。朱煥請曰。揚自用兵以來。積骸滿野。皆庭芝與才所爲。不殺之何俟。阿珠乃皆殺之。揚民聞者。莫不泣下。阿珠旣破揚州。攻真益急。趙孟錦乘霧出襲。霧開。衆見其兵少。逐之。孟錦登舟。失足墮水中。死焉。城遂陷。苗再成不屈死。帝召阿珠入朝。賜泰興戶二千爲食邑。

宋趙與擇圍婺州。董文炳拒卻之。

宋楊亮節居中秉權。與擇多所諫止。遂犯忌嫉。諸將俱憚之。至是。遣與擇出兵浙東。宋廷臣皆言與擇有劉更生之忠。曹王皐之孝。宜留輔以隆國本。譖者益急。卒遣

之

封宋謝太后爲壽春郡夫人。

謝太后以病久留臨安。至是。自宮中舁其牀以出。侍衛七十人。遂赴燕。降封壽春郡夫人。

九月。命阿樓罕達春等。分道將兵入閩廣。

阿樓罕。童文炳。及蒙固岱。索多。以舟師出明州。達春。及呂師夔。李恒等。以騎兵出江西。

阿爾哈雅將兵入廣西。宋都統馬堅宕昌人力戰禦之。

初。宋徵知邕州馬堅入衛。未行而臨安破。因留靜江。總屯戍諸軍。會帝使阿爾哈雅取廣西。堅發所部及諸峒兵守靜江。而自將三千人守嚴關。在今桂林府興安縣西南。爲楚粵咽喉。

前軍攻之不克。乃以偏師入平樂。宋郡。今爲府。屬廣西。過臨桂。宋縣。

今屬桂林府。夾攻堅。堅退保靜江。阿爾哈雅使人招降。堅發

弩射之。攻三月。堅夜不解甲。前後百餘戰。城中死傷相

藉。訖無降意。

冬十月。宋文天祥帥師次于汀州。

天祥遣趙時賞。字宗白。和州人。宋宗室子。等將一軍趨贛。以取寧都。

吳浚將一軍取雩都。漢縣。今屬贛州府。劉洙。字淵伯。廬陵人。等皆自江

西起兵會之。

呂師夔等將兵入梅嶺。遂克韶州。

初。東莞。唐縣。今屬廣州府。民熊飛。以兵應趙潛。攻梁雄飛于廣

州。雄飛遁。飛遂取韶州。新會。隋縣。今屬廣州府。令曾逢龍亦帥

兵至廣州。李性道出迎謁。飛與逢龍執而殺之。潛遂入

廣州。至是。呂師夔等將兵度梅嶺。潛使飛及逢龍拒之。

于南雄。

宋置州。今爲府。屬廣東。

逢龍敗死。飛走韶州。追圍之。守將

劉自立以城降。飛巷戰。兵敗。赴水死。潛棄廣州遁去。

十一月。阿樓罕。董文炳入處州。宋趙與擇等逆戰于瑞安。

宋置府。今爲縣。屬温州府。

敗績。死之。

與擇與弟與慮子孟備。及觀察使李世達。監軍趙由葛。

察訪使林溫。被執。皆不屈而死。知處州李珪。知瑞安府。

方洪俱以城降。

宋史作洪。率衆巷戰。兵敗俱死。與綱目不同。

宋陳宜中。張世傑。奉益王昀遁入海。

阿樓罕兵至建寧府。執守臣趙崇鉞。知邵武軍趙時賞。

等皆棄城去。陳宜中、張世傑備海舟，奉其主昀及衛王楊太妃等登舟。時軍十七萬人，民兵三十萬人，淮兵萬人，與北舟相遇。值天霧晦冥，不辨舟得以進。

宋福建招撫使王積翁以福州降。

先是，宋以積翁知南劍州，備禦上三州。副使黃恮知漳州，備禦下三州。積翁聞兵至，棄城走福州，遣人送款軍前。至是，阿樓罕軍至福安，積翁爲內應，遂與知州王剛中同降。

宋益王昀走潮州。十二月，宋招撫使蒲壽庚以泉州降。

昀泊舟泉州港，招撫使蒲壽庚迎謁，請留駐。張世傑不可。初，壽庚提舉市舶，擅舶利者三十年，或勸世傑留壽

庚不遣。則凡海舶不令自隨。世傑不從。縱之歸。繼而舟不足。乃掠其舟。并沒其貲。壽庚怒。殺宋宗室及士大夫。與淮兵之在泉者。宜中等。乃奉昱趨潮州。壽庚遂與知泉州田子真以城降。

阿樓罕克興化軍。宋知軍事陳文龍死之。

王剛中既降。遣使至興化軍。文龍斬之。而發民兵固守。阿樓罕復遣使招之。文龍復斬之。使部將林華伺于境上。華反導阿樓罕兵至城下。通判曹澄孫開門降。執文龍欲降之。文龍指其腹曰。此皆節義文章也。可相逼邪。卒不屈。乃械送杭州。文龍不食死。後阿樓罕北歸。文龍之姪瓚復舉兵殺林華。據興化。未幾復爲索多所破。瓚死之。屠其民。

宋制置副使張珩復取瀘涪州。

時東西川行院合兵萬人圍重慶。肆于剽掠。軍政不一。

故久無功。而城中益得自守。張珩雖領重慶之命。宋前以珩

爲四川制置副使。知重慶府。不能赴。留合州爲拒守計。且遣兵陷瀘

涪二州。及圍兵以不和而潰。珩乃得入城。遣將四出。兩川軍屢敗。

阿爾哈雅破靜江。坑其民。宋都統馬瑩死之。廣西州郡皆平。

阿爾哈雅爲書。許瑩以江西大都督。瑩不聽。又請帝親

降手詔諭之。瑩焚詔。斬其使。靜江以水爲固。阿爾哈雅

乃築堰斷大陽。在今臨桂縣南。源出靈川縣思磨山下。東流合于桂江。小溶。一名融。

江在興安縣西。與大融江合。二江以遏上流。決東南埭以涸其隍。城

遂破。堅率死士巷戰。刀傷臂。被執。斷其首。猶握拳奮起。

立踰時始仆。阿爾哈雅悉坑其民。分兵取鬱林。潯容。藤

梧等州。宋廣西提刑鄧得遇。字達夫。邛州人。聞靜江破。朝服南

望拜辭。投南流江。在今思恩府武緣縣東南。源出上林縣大明山。而死。

宋益王是次惠州。遣使奉表請降。

是次于惠之甲子門。在今海豐縣東海口。有大石壁。立。上下各有六十甲子字。故名。遣

倪宙奉表詣軍前請降。索多命其子元帥伯嘉努。舊作

奴。今改。偕宙赴燕。

命諸將分道入兩川。

詔以哈丹克喀濟蘇。舊作濶里吉思。今改。領東川行樞密院。攻合

州布哈李德輝

字仲實通州潞縣人

領西川行樞密院攻重慶仍

令德輝留成都給軍食

丁十四年

宋益王昞景炎二年

春正月宋文天祥移屯漳州汀守黃

去疾及吳浚以汀州降

汀關既破天祥欲據城拒敵汀守黃去疾聞益王航海

擁兵有異志天祥乃移軍漳州時趙孟滌等軍還惟吳

浚不至未幾浚與去疾俱叛宋降

浚降後復至漳州說天祥降天祥責以大

義斬之

命道士張宗演

道陵之後居信州龍虎山

領江南道教

詔封宗演為嗣漢天師演道靈應冲和真人命百官郊

勞待以客禮

二月詔諸將班師留潛說友為福州宣慰使王積翁副之

時北方有警帝召諸將班師凡諸將及淮兵在福安者

命李雄統之潛說友尋為雄所殺

已而淮兵在福州者謀殺王積翁以應張

世傑事覺皆為積翁所殺

以西僧嘉木揚喇勒智

舊作楊璉真加今改

總攝江南釋教

除僧租稅禁擾寺宇者

夏四月宋廣東制置使張鎮孫

字鼎卿惠州人復取廣州

先是呂師夔軍至廣州州人趙若岡以城降廣東諸郡

皆下至是宋張鎮孫襲廣州復取之張世傑亦將兵入

潮州

宋文天祥引兵自梅州出江西

天祥進兵復取梅州提兵出江西吉贛兵皆會之遂復

取會昌縣

宋縣今屬贛州府

淮人張德興傳高起兵陷黃州壽昌軍殺湖北宣慰使鄭鼎

德興與淮西野人原寨劉源等起兵司空山民傅高應之遂陷黃州壽昌軍用宋景炎年號賈居貞使鄭鼎將兵拒之鼎言鄂之大姓皆與高通請先除之以絕禍本居貞不可鼎將行留其所善部將曰聞吾還軍汝就舉烽城樓內外合發當盡殺城中大姓鼎與德興遇于樊口戰敗溺死

後五月淮西宣慰使昂吉爾等將兵襲破司空山寨殺德興執其三子以去高變姓

名出走尋被獲殺之

六月。宋文天祥入雲都。秋。七月。使趙時賞等分道復取吉
贛諸縣。遂圍贛州。

時衡山人趙璠撫州人。何時等。咸起兵應天祥。諸縣豪
傑悉遣人如軍中受約束。臨洪諸郡皆附之。惟贛州不
下。

諸王錫喇勒濟。

舊作昔里吉。今改。

刼北平王諾摩罕及安圖以叛。

命巴延討平之。

諸王錫喇勒濟。刼北平王于阿爾穆爾。

舊作阿力麻里。今改。

之地。

械繫右丞相安圖。脅諸王以叛。使通好于海都。海都弗

納。遂率兵至和林城北。帝命巴延率軍禦之。巴延與其

衆遇于鄂爾坤。

舊作韓魯權。今改。

河夾水而陣。相持彌日。俟其

懈掩擊破之。錫喇勒濟走死。

宋張世傑會師攻蒲壽庚于泉州。遂復取邵武軍。

世傑以福州軍北還。自將淮兵攻蒲壽庚。時汀漳諸路劇盜陳弔眼及許夫人所統諸峒畬軍皆會。兵勢稍振。

壽庚閉城自守。世傑遂傳檄諸路。遣將復取邵武軍。

八月。江西宣慰使李恒襲宋文天祥于興國縣。宋縣。今屬贛州府。

天祥兵潰。走循州。其將鞏信。安豐軍人。趙時賞等皆死之。

李恒遣兵援贛。而自將攻天祥于興國。天祥不意恒猝

至。遣兵戰鍾步。不利。時鄉瀾聚兵數萬于永豐。天祥引

兵就之。會瀾兵先潰。恒追天祥至方石嶺。在興國縣東北。及之。

鞏信以短兵接戰。恒駭其以寡敵眾。疑有伏。斂兵不進。

信坐巨石餘卒侍左右。箭雨集屹不動。恒從問道就視之。創被體而死。不仆。天祥至空坑。兵盡潰。時趙時賞坐肩輿後。追兵問爲誰。時賞曰。我姓文。衆以爲天祥。擒之。恒遍求俘虜人識認。有曰。此趙督參時賞也。天祥由是得與杜濬。鄒鳳。乘騎逸去。至循州。散兵頗集。天祥妻子及幕僚客將皆被執。時賞至隆興。奮罵不屈。有係累至者。輒麾去云。小小簽廳官耳。執之何爲。得脫者甚衆。臨刑。劉洙頗自辨。時賞叱曰。死耳。何必然。于是被執者皆死。恒送天祥妻子家屬于燕。二子死于道。

九月。宋益王昞遷于潮州之淺灣。

今潮州南澳山相近。有錢澳。或曰。卽淺灣。

詔達春等將兵入大庾嶺。

帝詔達春與呂師夔本恒等以步卒入嶺蒙固岱索多
蒲壽庚及元帥劉深等以舟師下海合追二王

索多遣兵援泉州宋張世傑走歸淺灣

世傑使謝洪永進攻泉州南門不利蒲壽庚復陰賂畚
軍攻城不力得間道求救于索多至是索多來援世傑
解圍還淺灣參政葉特密什舊作也的
迷失今改復取邵武遂入

福州

冬十月丙辰朔日食

宋復以陸秀夫同簽書樞密院事

秀夫之謫張世傑讓陳宜中曰此何如時動以臺諫論
人宜中惶恐亟召秀夫還時宋播越海濱庶事疏畧楊

太妃垂簾與羣臣語。猶自稱奴。每時朝會。獨秀夫儼然正笏。立如治朝。或時在行中。悽然泣下。以朝衣拭淚。衣盡濕。左右無不悲慟者。

十一日。達春會兵克廣州。

初。達春令索多取道泉州。泛海會于廣之富場。一名官

今廣州府新安縣東南。索多既取興化軍及漳州。進攻潮州。宋守

臣馬發竭力拒守。索多恐失期。乃舍之而去。至惠州。與

呂師夔合軍趨廣州。宋制置使張鎮孫以城降。達春逐

夷廣州城。

劉深將兵襲淺灣。宋張世傑奉益王昀走秀山。一名虎頭

頭門。在今廣州府東莞縣西南海中。遂至井澳。在今廣州府香山縣南海中。橫琴山下。

昱至井澳。颶風壞舟。溺水幾全。不救。遂得驚疾。旬餘。諸兵士稍集。死者過半。

劉深襲井澳。宋益王昱奔謝女峽。一名仙女澳。亦在今香山縣境海中。陳宜

中逃之占城。

昱復入海。至七里洋。當作九星洋。方輿紀要。海中有九曜山。羅列如九星。洋因以名。欲

往占城。陳宜中請先往諭意。度事不可為。遂不返。

遣兵伐緬。方輿紀要。古西南夷。後漢置國也。在唐謂之驃國。至宋始謂之緬。元于緬城置邦牙宣慰司。明

置緬甸宣慰司。去雲南布政司三十八程。後失。

初。朝廷屢遣使徵緬朝貢。不從。而率眾侵擾永昌。雲南行省遣兵伐之。降其砦三百餘而還。

戊寅十五年。宋益王昱景炎三年。五月。以後。衛王昺祥興元年。春正月。布哈將兵入

重慶。宋制置副使張珪死之。西川州縣皆平。

西川行院布哈督汪良臣等兵入重慶。李德輝爲書與

張珪曰。君之爲臣。不親于宋之子孫。合州爲州。不大于

宋之天下。珪不答。布哈至城下。營浮屠。造梯衝。將攻之。

且悉衆與良臣鏖戰。良臣身中四矢。明日督戰益急。珪

與伊遜岱爾舊作也。速兒。今改。戰扶桑壩。在今重慶府東。分軍從後合

擊之。珪軍大潰。其夜都統趙安等以城降。珪率兵巷戰

不支。歸索鳩飲不得。乃順流走涪。布哈遣舟師邀之。遂

被執。至安西。若名。在今涪州西。解弓弦自經死。先是瀘州食盡。

宋安撫王世昌自經死。涪州守將王明亦以城破不屈。

被殺。紹慶。南平。夔。施。恩。播。諸州皆相繼降附。

定武官承襲之制

凡有功陞秩者。原職令他有功者居之。不得令子姪復代。陣亡者始得襲。病死降一等。總把百戶老死者不襲。著爲令。

三月。索多將兵克潮州。

達春令索多還攻潮州。宋馬發城守益備。索多塞塹填濠。造雲梯鵝車。日久急攻。發潛遣人焚之。凡相拒二十餘日而敗。發死之。索多屠其民。

以許衡領太史院事。

元初承用金大明歷。歲久寢疏。帝欲釐正之。乃命王恂

字敬甫。中。及楊恭懿。郭守敬。字若思。順。測驗改正。而以

張文謙

字仲謙。邢州沙河人。

張易董之。恂言歷家知歷數而不知

歷理。宜得許衡總之。遂命衡領太史院事。

三月。以索多等行省事于福州。

倪宙至燕。帝召達春等北還。議二王事宜。乃留索多蒲壽庚行省事。鎮撫瀕海諸郡。

宋文天祥收兵。復出麗江浦。

在今惠州府海豐縣南。合龍津蛟溪諸水。東流入海。卽長

沙海。口也。

天祥以弟璧及母在惠州。乃趨之。行收兵出海豐縣。遂次于麗江浦。

宋益王昞遷于碭洲。

在今高州府吳川縣南。屹立海中。當南北道。

宋以曾淵子爲參知政事。

淵子起兵據雷州。軍前屢使人諭降。不聽。進兵攻之。淵子奔碭洲。宋以爲參知政事。廣西宣諭使。

夏四月。宋益王昞卒。宋人立其弟昀。

昞卒。年十一。

後葬于厓山。宋人謚之曰端宗。

羣臣多欲散去。陸秀夫曰。

度宗皇帝一子尙在。將焉置之。古人有以一旅一成中興者。今百官有司皆具。士卒數萬。天若未欲絕宋。此豈不可爲國邪。乃與衆共立衛王昀。年八歲矣。時有黃龍見海中。因改元祥興。升碭洲爲翔龍縣。楊太妃仍同聽政。陳宜中入占城。宋人日候其還。宜中竟不至。

五月。宋張世傑攻雷州。不克。

世傑使張應科王用將兵取雷州。應科三戰不利。用遂

降應科收兵復戰敗死世傑悉眾圍城城中絕糧士以

草為食史格漕欽廉高化糧以給之世傑引還

六月宋衛王昺遷于新會之厓山

在今廣州府新會縣南大海中亦曰厓門山

時宋軍所泊居雷化犬牙處而厓山在鉅海中與奇石

山相對立如兩扉潮汐之所出入也故有鎮戍張世傑

以為天險可扼以自固乃奉其主昺移駐遣人入山伐

木造行宮軍屋千餘間行宮正殿曰慈元楊太妃居之

升廣州為祥興府

是年二月宋都統凌震復取廣州

時官民兵尚二十

餘萬多居于舟資糧取辦于廣右諸郡海外四州復刷

人匠造舟楫製器仗至十月始罷

詔以張弘範為都元帥李恒副之將兵入閩廣

宋以江淮之阻尚不能盡
守自強厓山海嶠彈丸雖
天險復何足恃世傑乃思
據以為固伐木鳩工欲為
久安之計何其謬也天心
既去即有地利猶不可憑
況洪濤頃洞中進退無依
者耶

弘範言張世傑復立衛王。閩廣響應。宜進取之。帝以弘範爲蒙古漢軍都元帥。賜寶劔。專決軍事。弘範薦李恒自副。從之。弘範至揚州。選將校。發水陸之師二萬。分道而南。帝復命達春留後供軍費。

秋七月。宋湖南制置使張烈良等起兵應厓山。與阿爾哈雅戰敗。死之。海南州縣皆平。

烈良及提刑劉應龍起兵以應厓山。雷瓊。全永。與潭屬縣之民周隆。賀十二等。咸應之。帝命阿爾哈雅往討。斬隆。十二。烈良等奔思州烏羅洞。軍復襲之。皆戰死。阿爾哈雅畧地海外。遣人招宋瓊州安撫趙與珞降。與珞不聽。率兵拒于白沙口。

在今瓊州府北海口港南岸。一名神應港。又曰白沙津。未幾。

州人執與珞以降。阿爾哈雅裂殺之。由是瓊、南寧、萬安、吉陽諸州縣及八番羅甸諸蠻皆相率降附。

汰江南冗官。

阿哈瑪特奏立江西權茶運司。及諸路轉運鹽使司。宣課提舉司。宣課司官吏多至五百餘人。至是崔斌言江南官冗。杭州地大民衆。阿哈瑪特以私愛任其不肖子瑪蘇庫。舊作抹速忽。今改。彼先自陳免其子弟之任。今乃身爲

平章。而子若姪或爲參政。或爲尚書。或領將作監。會同館。一門悉處要津。有虧公道。帝命罷黜之。然終不以爲阿哈瑪特罪。旣而淮西宣慰使昂吉爾入朝。亦以官冗爲言。于是詔江西省併入福建。罷權茶營田司。歸本道。

宣慰司。罷漕運司。歸行省。

八月。有星隕于廣南。

色紅。大如箕。中爆裂。爲五。殷如雷鳴。一時頃止。

宋加文天祥少保信國公。張世傑越國公。

天祥聞衛王昺繼立。上表自劾。兵敗江西之罪。乞入朝。不許。而加官爵。天祥移書陸秀夫云。天子幼冲。宰相遁荒。詔令皆出諸公之口。豈得以游詞相拒。會軍中大疫。士卒多死。天祥母亦病歿。尋起復之。天祥長子復亡。家屬皆盡。

冬。閏十一月。張弘範襲執宋文天祥于五坡嶺。

在今海豐縣北。

天祥屯潮陽。鄒鳳。劉子俊。

宇民章。廬陵人。

皆集師會之。遂討劇

盜陳懿。劉興于潮。興死。懿遁。以海舟導張弘範兵濟潮。

陽。天祥帥麾下走海豐。先鋒將張弘正弘範弟追之。天祥

方飯五坡嶺。弘正兵突至。衆不及戰。天祥遂被執。吞腦
子不死。鄒淵自剄。劉子俊自詭爲天祥。冀可免天祥。及
天祥至。各爭真僞。遂烹子俊。天祥至潮陽。見弘範。左右
命之拜。天祥不屈。弘範釋其縛。以客禮之。天祥固請死。
弘範不許。處之舟中。求族屬被俘者悉還之。

十二月。西僧嘉木揚喇勒智發宋紹興諸陵。

嘉木揚喇勒智。利宋殯宮金玉。發諸陵在紹興者。及大

臣塚墓。凡一百一所。又欲哀諸陵骨。雜牛馬枯幣爲鎮

南浮屠。曾稽人唐珏

字玉潛

獨痛憤。乃貨家具。行貸得百

金。爲酒食。陰召諸惡少。泣曰。爾輩皆宋人。吾不忍陵骨

之暴露。欲以他骨易之。已造石函六。刻紀年一字爲號。自思陵以下。隨號收殮。衆如珏言。夜往取遺骸。葬蘭亭山。一名蘭渚山。在今山陰縣西南。卽晉王羲之修禊處。後又移宋故宮冬青樹植其上。以識聞者悲之。

已十六年。宋衛王昺祥興二年。是年二月。昺溺于海。春正月。張弘範將兵襲厓山。

弘範由朝陽港乘舟入海。至甲子門。獲斥候將。知衛王昺所在。乃至厓山。或謂張世傑曰。北兵以舟師塞海口。則戰不能進退。盍先據之。幸而勝。國之福也。不勝猶可西走。世傑恐久在海中。士卒離心。動則必散。乃曰。頻年航海。何時已乎。今須與決勝負。遂焚行朝草市。結大船。

千餘作一字陣。碇海中。中艫外舳貫以大索。四周起樓棚如城堞。奉衛王居其間。爲死計。人皆危之。厓山北淺。舟膠不可進。弘範由山東轉而南入大洋。與世傑之師相遇。薄之。且出騎兵斷其汲路。世傑舟堅不能動。弘範乃舟載茅茨。沃以膏脂。乘風縱火焚之。世傑戰艦皆塗泥。縛長木以拒火。舟不熱。弘範無如之何。時世傑有甥範三使韓招世傑。世傑不從。曰。吾知降。生且富貴。但義不可移。爾。因歷數古忠臣以答之。弘範乃命文天祥爲書。招世傑。天祥曰。吾不能扞父母。乃教叛父母。可乎。固命之。天祥遂書所過零丁洋詩與之。其末有云。人生自古誰無死。留取丹心照汗青。弘範笑而置之。弘範復遣人語厓山士民曰。汝陳丞相已去。文丞相已執。汝復欲何爲。士民亦無叛者。弘範又以舟師據海口。世傑兵零丁洋。在今香山縣東。弘範又以舟師據海口。世傑兵士茹乾糧千餘日。下掬海水飲之。水鹹。飲卽嘔泄。兵士

大困。世傑帥蘇劉義方興等。旦夕大戰。旣而李恒自廣州。以師來會。弘範命恒守厓山北。

宋合州守將王立。以城降。東川州縣皆平。

東川行院。恥功不立。乃辭西川。而自以兵圍合州。宋守將王立。以夙與東川有深怨。懼誅。乃使使間行至成都。請降于李德輝。德輝單舸濟江。至合城下。呼立出降。安集其民。合人德之。于是東川州縣皆降附。

二月。張弘範及宋張世傑戰于厓山。世傑兵潰。陸秀夫負其主衛王昺。赴海死之。世傑復收兵至海陵山。

在今肇慶府海陽縣

南舊名羅州。又名羅島。舟覆而死。

宋都統張達。乘夜襲弘範軍。敗還。弘範乃四分其軍。自

將一軍相去里許令諸將曰宋舟西艤厓山潮至必東遁急攻之聞吾樂作乃戰違令者斬時黑氣出山西李恒乘早潮退攻其北世傑以淮兵殊死戰至午潮上軍中樂作世傑以爲且懈不設備弘範以舟攻其南世傑南北受敵兵士皆疲不能復戰俄有一舟檣旗仆諸舟之檣旗皆仆世傑知事去乃抽精兵入中軍諸軍皆潰翟國秀凌震等皆解甲降弘範麾兵進薄中軍會日暮風雨皆霧四塞咫尺不相辨世傑乃與蘇劉義斷維以十六舟奔港而去陸秀夫走其主昷所居舟舟稍大且諸舟環結度不得出走乃先驅其妻子入海謂其主曰國事至此陛下當爲國死德祐皇帝辱已甚陛下不可

世傑從舟海島舳艫連結
固早爲必死之計但諸軍
潰世傑即能奪港而去

楊太妃亦得脫走海中則
當時原非竟不可出走者
委夫之意特慮跳身而去
卽殘喘稍延亦必終遭俘
執故不惜負主蹈海以成
君臣同殉社稷之義其與
世傑之向求趙氏後者用
意雖有不同而心跡則皆
其一耳

再辱卽負其主同溺。後宮諸臣從死者甚衆。餘舟尚八
百。盡爲弘範所得。越七日。屍浮海上者十餘萬人。因得
昇屍。及詔書之寶。世傑行收兵。遇楊太妃。欲奉以求趙
氏後。楊太妃始知昇溺海之間。撫膺大慟曰。我忍死間
關至此者。正爲趙氏一塊肉耳。今無望矣。遂赴海死。世
傑葬之海濱。世傑趨占城。土豪彊之還廣東。乃回舟。艤
南恩之海陵山。散潰稍集。謀入廣。颶風大作。將士勸世
傑登岸。世傑曰。無以爲也。登枕樓。露香祝曰。我爲趙氏
亦已至矣。一君亡。復立一君。今又亡。我未死者。庶幾敵
兵退。別立趙氏以存祀耳。今若此。豈天意邪。風濤愈甚。
世傑墮水溺死。蘇劉義出海洋。爲其下所殺。

史臣曰。宋雖起于用武。而以仁傳家。然仁之弊。失于弱。中世有欲自彊以革其弊。用乖其方。馴致焚擾。建炎而後。土宇分裂。猶能六主百五十年。而後亡。豈非禮義足以維持君子之志歟。既而宋之遺臣。區區奉二王為海上之謀。雖無救于亡。然人臣忠子所事。而至于斯。其亦可悲也夫。

三月。詔定州縣社稷制度。

詔太常寺考究州郡社稷制度。禮官折衷前代。參酌儀禮。定祭祀儀式。及壇壝祭器。圖寫成書。名曰至元州縣社稷通禮。

五月。命道士張留孫字師漢。信州貴溪人。作醮事。

留孫初從張宗演入朝。奏對稱旨。遂留侍闕下。授元教

宗師。至是。命作醮事。奏赤章于天。凡五晝夜。既而復命

醮。一如留孫事畢。居壽請間。曰。皇太子

春秋鼎盛。宜預國政。帝喜。曰。尋將及之。

太子參預朝政何等大事
豈道士所當與聞乃李居
壽請間一言何至竟改容

聽受揆之於理所必無况
世祖英明爲元室開創之
主亦不應輕率若此蓋傳
聞異辭而史家悞信以爲
真耳

秋九月詔皇太子參決朝政。

詔省院臺司之事皆先啓後奏。

冬十月宋文天祥至大都。不屈。囚之。

厓山之破。張弘範等置酒大會。謂天祥曰。國亡丞相忠

孝盡矣。能改心以事宋者事今。將不失爲宰相也。天祥

泣然出涕曰。國亡不能救。爲人臣者。死有餘罪。况敢逃

其死而貳其心乎。弘範義之。遣使護送天祥赴燕。道經

吉州。痛恨不食。八日猶生。乃復食。十月至燕。館人供帳

甚盛。天祥不寢處。坐達旦。遂移兵馬司。元史百官志至元九年改千戶

所爲兵馬司。凡二司。一置北城。一置南城。設卒守之。旣而丞相博囉等召見

于樞密院。欲使拜。天祥長揖不屈。仰首言曰。天下事有

興有廢。自帝王以及將相。滅亡誅戮。何代無之。天祥今日。願早求死。博囉曰。汝謂有興有廢。且問盤古至今。幾帝幾王。一一爲我言之。天祥曰。一部十七史。從何處說起。吾今日非應博學鴻辭科。何暇泛論。博囉曰。汝不肯說興廢事。且道古來有以宗廟土地與人而復逃者乎。天祥曰。奉國與人。是賣國之臣也。賣國者有所利而爲之。必不去。去者必非賣國者也。予前除宰相。不拜。奉使軍前。尋被拘執。已而有獻國。國亡當死。所以不死者。以度宗二子在浙東。老母在廣故耳。博囉曰。棄德祐嗣君而立二王。忠乎。天祥曰。當此之時。社稷爲重。君爲輕。吾別立君。爲宗廟社稷計也。從懷愍而北者。非忠。從

元帝爲忠。從徽欽而北者非忠。從高宗爲忠。博囉語塞。忽曰。晉元帝。宋高宗。皆有所受命。二王不以正。是篡也。天祥曰。景炎乃度宗長子。德祐親兄。不可謂不正。登極于德祐去位之後。不可謂篡。陳丞相以太皇命。奉二王出宮。不可謂無所受命。博囉等皆無辭。但以無受命爲解。天祥曰。天與之人。歸之。雖無傳受之命。推戴擁立。亦何不可。博囉怒曰。爾立二王。竟成何功。天祥曰。立君以存宗社。存一日。則盡臣子一日之責。何功之有。曰。旣知其不可。何必爲。天祥曰。父母有疾。雖不可爲。無不下藥之理。盡吾心焉。不可救。則天命也。今日天祥至此。有死而已。何必多言。博囉欲殺之。帝及大臣不可。弘範時在

疾中亦表奏天祥忠于所事願釋勿殺乃囚之。

十二月增置宿衛。

宿衛舊領于四集賽。

集賽猶言分番宿衛也。以太祖功臣博勒呼博爾濟穆呼哩齊拉衮

四族子孫世領之具見前。

子孫世襲年勞既久卽擢爲一品或以才

能任使貴盛雖極一日歸至內庭則執事如故其後集

賽增至四千八百衛而累朝鄂爾多

猶言官室。

集賽尤多國

之大費每糜于此。

庚辰

十七年春正月詔覈阿爾哈雅所俘戶口放爲民。

時阿爾哈雅下荆南江南廣西海南之地得州凡五十

八峒夷山獠不可勝計行臺御史言其俘獲三萬餘人

悉役爲奴自置吏治之責其租賦詔行臺御史大夫姜

衛檢覈之。悉放爲民。

都元帥張弘範卒。

謚武畧。後改謚獻武。

平宋之功。弘範居多。還朝未幾。瘴癘疾作。遂卒。

後累封淮陽王。

三月。帝如上都。

初。帝定大興府爲大都。開平府爲上都。每年三四月。迤

北草青。則駕幸上都避暑。頒賜于宗戚。馬亦就水草焉。

八九月。草將枯。則駕回大都。歲以爲常。

今于是年具書往還。餘不悉載。

秋。七月。以郝鎮。耿仁。並爲中書丞。

阿哈瑪特貪橫益肆。援引叅知政事郝鎮。耿仁。驟升同

列。內通貨賄。外示威刑。廷中相視。無敢言者。

八月。集賢大學士兼國子祭酒許衡致仕。

衡以疾乞致仕。皇太子請以其子師可爲懷孟路總管。以便侍養。且遣使諭之曰。公毋以道不行爲憂也。公安則道行有時矣。

翰林學士承旨姚樞卒。

諡文獻。

自樞應召。中州名儒接踵而出。論者謂樞實有以倡之。九月。帝還大都。

冬十月。以阿樓罕爲右丞相。大發兵擊日本。

注見前。

初。帝屢遣使往通日本。不納。乃命鳳州經畧使錫都

舊作

忻都伐之。無功而還。復遣禮部侍郎杜世忠等使其國。

亦不報。且執世忠等殺之。至是。乃命阿樓罕爲右丞相。

范文虎。洪茶邱。爲右丞。李庭。

本金人。富察氏。歸元。張巴後。改稱李氏。家壽光。

圖叅知政事。並行中書省事。率師十萬以往。時高麗王
瞻來朝。願益兵併擊之。加瞻行省右丞相。

遣使窮河源

以篤什

舊作都實。今改。

為招討使。往求河源。四閱月。始抵其地。

河源出吐蕃朶甘思

元置朶甘思宣慰司。在今青海境內。

西鄙有泉百餘

泓。方可七八十里。燦如列星。名鄂端諾爾。

即今鄂敦塔拉。舊作火敦

腦兒。今改。羣流奔輳。近五七里。滙二巨澤。名敖拉諾爾。

即今扎稜

諾爾。鄂稜諾爾。舊作阿拉腦兒。今改。

東驚成川。號齊必勒

舊作赤賓。河。今名郭

爾。又合伊爾齊。

舊作赤里。

呼蘭。

舊作忽蘭。

伊拉齊。

河。始名黃河。又岐為八九股。名也孫鄂洛木。

舊作也孫。今改。

譯言九渡。自是行二十日。有大雪山。名伊拉瑪博囉。

舊作

昔之論河源者。眾喙紛如。

然皆未嘗親履其地。徒為紙上空談。又奚足據哉。

輿圖式廓遐荒。絕域咸隸。

版章。

聖祖仁皇帝屢遣使測量地度。

詳諸博考始定枯爾坤之為中國河源不特漢唐以來諸說可廢即元人所志亦無是道矣近日準夷底定回部歸誠所謂子闕怨嶺之河蒲昌之海案圖而考輒然具在而就其山川計其道里然後知張騫鹽澤之語不為無據而河有重源之說亦確有明証矣當時篤什所尋止及於中國之河源潘昂霄不識蒙古語而譯以漢文又從而傳會支離其說益多舛舛因就現在地理證合史漢諸書詳加考訂而著其大凡如此

從前不遠千里買
卷之五十五

亦耳麻不莫刺。今改。今名阿木尼瑪勒占木遜山。西番

語謂祖為阿木尼蒙古古語謂瑪勒占為花色水為木遜

以山石斑駁上多冰雪為青海望山故尊而名之。其山最高。譯言騰格哩哈達

舊作騰乞里塔。今改。蒙古語謂天為騰格哩。哈達。山峯也。即崑崙也。今阿木尼瑪勒

石山。河流其南。河繞崑崙南行十餘日。有水西南來。名

誤作崑崙。非是。納琳哈喇。舊作納隣。譯言細黃河也。又兩日。水南來。名

奇爾穆蘇。舊作乞兒。二水合河北流。復折而西流。過崑

崙北。又轉而東北。約行半月。至貴德州。元置。今為歸德

又四五日。至積石州。元置。明廢。在今河州西。即禹貢積

石。河州西之小積石。本名唐。始入中國。篤什還報。并圖

其城傳位置以聞焉。按此說本潘昂霄河源志及朱師

地里志河源附錄。今為之節錄如右。但其說亦多附會

不實。如以大雪山為崑崙。是崑崙反在河源之下。既與

爾雅諸書不合。又以導河積石之文。誤屬河州之小積石。而於大雪山之爲真積石者。反被以崑崙之名。彼此混淆。錯互更甚。蓋篤什祇能以蒙古字。言其山川形勢之大槩。昂霄不加詳考。譯以漢文。妄引經傳證之。遂至名實乖謬。至其力斥張騫所言河源出鹽澤之文。爲謬妄。則尤非是。考史記大宛傳云。于賓之西。水皆西流。其東。水東流。注鹽澤。鹽澤潛行地下。其南則河源出焉。又云。漢使窮河源。河源出于賓。其山多玉石。采來。天子案古圖書。名河所出山。曰崑崙。崑崙一名鹽澤者也。潛行地下。葱嶺。一出于闐。合注蒲昌海。一名鹽澤者也。潛行地下。南出于積石。爲中國河。山海經注云。敦薨之水。西流注沕澤。實惟河源。水經注云。河水東注蒲昌海。卽河水之所潛。出于積石者也。又云。河水重源。發于西塞之外。出于積石之山。是河水之出葱嶺于闐。注鹽澤。潛行至積石。又出而爲中國河源者。諸書都無異說。以今輿地考之。葱嶺在回部葉爾羌西。于闐卽今和闐。在葉爾羌東南。蒲昌海。卽今羅卜諾爾。在回部闐展西南。葉爾羌河和闐河。合而東流。爲他里木河。厄爾勾河。又東注于羅卜諾爾。卽古所謂河水一出葱嶺。一出于闐。合注蒲昌海者也。羅卜諾爾。上承十餘里長河之水。滄淪渟滯。伏流地中。而其南磧地數百里之間。時有小水。上泛成澤。潛行之迹宛然。積石山。在今青海境內。名阿木尼瑪勒。

占水遜山。其西有三山。曰巴延哈喇。曰巴爾布哈。曰阿克塔沁。總名枯爾坤。當羅卜諾爾之東南境。其巴延哈喇山。東麓有泉出焉。是為阿勒坦河。東北流三百餘里。有泉千百泓。歷歷如星。名鄂敦塔拉。實為河水潛行復出之象。即所謂星宿海也。從此彙合諸泉。至阿木尼瑪勒占木遜山東。成二巨澤。曰扎稜諾爾。鄂稜諾爾。自二諾爾流出。繞山南折北。又折而東南行。始名黃河。人陝西河州界。即古所謂河自蒲昌海潛行。至積石復出。而為中國河源者也。黃河大源發于崑崙。至蒲昌海潛行。復出而發于積石。故曰河有重源也。我朝康熙年間。遣使往窮河源。得于枯爾坤山。視元史所載為尤詳。但其時未平回部。故河出葱嶺于闐。合注蒲昌海之說。未得其証。今者西域底定。回部內屬。凡古所稱葱嶺于闐。蒲昌海諸境。俱隸版圖。爰舉史漢諸書。所謂出葱嶺于闐。合流注鹽澤而潛行者。按之今時形勢。適相符合。是為積石以上之河源。即漢張騫所求而得之者。不得謂其鑿空無據。但惜其言之未悉。致啟後人之疑耳。至崑岡出玉之文。見于尙書。今和闐產玉。與史記河源出于闐。其山多玉石之說相合。是和闐之山。亦屬崑崙一脈所分。故河從此出。亦爾雅所謂河出崑崙墟之一証也。

十一月行授時歷。

郭守敬等以為金雖改歷止以宋紀元歷微加增益未嘗測驗于天况冬至者歷之本而求歷本者在驗氣汁宋舊儀今多不協乃與南北曰官陳鼎臣等創建儀象圭表為器凡十有三。曰簡儀曰候極儀曰渾天象曰玲壺儀曰仰儀曰立運儀曰證理儀曰景符曰闕凡曰日月食儀曰星晷定時儀曰九表懸正儀曰座正儀。復遣監候官十四人分道測驗凡二十七所。東至高麗西極滇池南踰朱崖北盡鐵勒徧參歷法酌取中數成新歷上之言自漢以後歷法經七十改創法者十三家。西漢造三統歷東漢造四分歷劉洪造乾象歷南北朝後秦姜岌造三紀甲子歷宋何承天造元嘉歷祖冲之造大明歷隋張子信造新歷劉焯造皇極歷唐傅仁均造戊寅元歷李淳風造麟德歷一行造大衍歷徐昂造今所考正者凡七事曰宣明歷宋姚舜輔造紀元歷。冬至二日歲餘三日日躔四日月離五日入交六日二十八宿距度七日日出入晝夜刻所創法者

五事。

一曰太陽盈縮。二曰月行遲疾。三曰黃赤道差。四曰黃赤道內外度。五曰白道交周。其法視

古加密。而又悉去諸歷積年月日法之傳會者。一本天道自然之數。可以施之永久而無弊。歷上賜名曰授時。頒之天下。

平章政事廉希憲卒。

後追諡文正。

希憲自江陵以疾召還。太子遣使問之。希憲曰。臣病無足憂。所憂者大姦誤國。羣小附之。病之大者也。尋卒。巴延嘗曰。廉公宰相中真宰相。男子中真男子。世以為名言。

大德間。贈太師。恒陽王。

十二月。殺江淮行省平章政事阿勒巴。

舊作阿里伯。今改。

右丞雅

克特穆爾。

舊作燕鐵木兒。今改。

左丞崔斌。

阿哈瑪特病國。嘉民。狀顯著。前此崔斌。効奏世祖。

不爲窮治已屬失刑及至
阿哈瑪特設謀構陷苟推
二人結讐之由詳加體訪
真偽更立辨況所云盜
糧至四十萬易官至八百
員不同曖昧隱微之事何
難核察乃案獄弗具輒聽
奸黨雜治鍛鍊枉殺直臣
世祖於政事尚稱精明何
竟任其蒙蔽至此耶

斌既發阿哈瑪特姦蠹海內稱快尋遷江淮行省左丞
阿哈瑪特慮其害已乃奏理算江淮行省錢穀誣構斌
與阿勒巴等盜官糧四十萬及擅易命官八百餘員命
都事劉正字清卿清州人等往案獄弗具復遣參政張澍等雜
治之竟寘斌等于死斌有文學達政術附阿爾哈雅取荆湖廣海屢建大功多所全活太子聞殺斌方食投箸惻然遣使止之不及天下冤之

昭文館大學士竇默卒

諡文正

默爲人樂易平居未嘗出一言方人物至論國家大計
面折廷諍人謂可比汲黯帝嘗曰朕求賢三十年得一
竇漢卿及李俊民字用章澤州人隱居嵩山嘗召見旋乞還卒賜諡莊靜先生又曰
如竇漢卿之心姚公茂之才合而爲一可爲全人矣

累贈

太師封魏國公

漳州民陳桂龍據高安砦。在漳州府龍溪縣西扎。命福建都元帥烏

哲勒圖。奇卜察克人舊作完者都今改。擊走之。

桂龍及其兄子陳弔眼有衆數萬屯高安砦據之命烏

哲勒圖及副帥高興。字功起蔡州人。討之時建寧賊黃華勢尤

猖獗烏哲勒圖先引兵壓其境軍威大振華驚懼乞降

烏哲勒圖奏以華爲副元帥凡軍行悉以咨之桂龍等

乘高爲險人莫敢進與命人挾束薪進至半山棄薪退

如是六日誘其矢石皆盡乃熟薪焚柵斬首二萬級桂

龍遁走。桂龍既遁高興等擊斬陳弔眼桂龍遂求降詔

興年號詔史弼等討之華敗走自焚餘衆悉潰史弼字君佐蠡州博野人

已^辛十八年春二月皇后翁吉喇特氏崩後追諡順聖皇后

后性明敏達於事機國家初政左右匡正與有力焉四

賽奏割京城外近地牧馬帝許之后將諫陽責劉秉忠曰汝何不諫若初定都時以地牧馬則可今軍民分業已定奪之可乎事遂止宋亡幼主入朝后不樂帝曰江南平自此不用兵甲人皆喜之爾何獨不樂后曰自古無千歲之國母使吾母子及見此則幸矣帝以宋府庫物置殿廷召后視之后一視而反帝問后何欲后曰宋人貯蓄以貽子孫子孫不能守而歸於我又何取之邪宋太后全氏至京不習風土后屢奏乞令回江南帝不允后退益厚待之

遣皇太子行邊

以巴延佐之帝諭太子曰巴延有文武才汝毋以常人

遇之也

集賢大學士兼國子祭酒致仕許衡卒諡文正

續綱目因許衡病革戒子之語遂于其卒不具官實

乖書法之正論者或謂衡

不當仕元削以示貶或謂

元不得而臣之變例不書

二說皆悖于理夫衡未為

宋臣仕元並非失節需才

擇主適合自然有何可貶

而既已身膺膺仕食祿登

朝本非肥遯鳴高又豈得

違君臣定分二說之謬固

不待辨自明至衡之于元

闔召即往且云不如此則

道不行乃既得志行道忽

于易簣時悔其平生不能

辭官死後囑勿立碑請諡

此非彌留亂命則是後人

曲為之說衡故名儒不應

前後矛盾若此特改書官

糾糾續綱目之失且摘

衡病革家人祀先衡曰吾一日未死寧不有事于祖考

起奠獻如儀既徹而卒衡嘗語其子曰我平生虛名所

累竟不能辭官死後慎勿請諡勿立碑但書許某之墓

四字使子孫識其處足矣

後贈司徒封魏國公從祀孔子廟庭

秋七月阿樓罕卒于軍八月諸將棄師于海島而還

阿樓罕既卒詔以左丞相安塔哈代之未至范文虎等

已航海至平壺島

一作五龍山籌海說日本國西有大

皆水可屯軍又西為五島有五山相錯即五龍山乃日本西境之盡處遇颶風敗舟諸將

各擇堅艦乘之遁去棄士卒十餘萬于島眾推張百戶

者為帥方伐木作舟為歸計日本覘知之率眾襲殺始

盡惟餘南人萬餘不殺而奴之未幾得還者財三人

諸家曲說闢而正之

閏八月括江南戶口稅

時京兆等路歲課自一萬九千錠增至五萬四千。阿哈瑪特猶以為未實欲覈之上察其非而止。

冬十二月焚毀道書。

帝方信桑門之說詔樞密副使張易參校道書言惟道德經為老子所著餘皆後人偽撰詔悉焚之。

壬午

十九年春二月遣諸王桑阿克達爾

舊作相吾答兒續綱目作相答吾兒

今改擊緬。

初納喇蘇爾丹

回回人舊作納喇速下今改

自緬還具言可擊狀遂

以台布

舊作太

為右丞伊克特濟

錫喇婁人按伊克特濟舊作也罕的片錫喇婁

舊作匣刺魯今改

為參政諸王桑阿克達爾督諸軍復往擊之

阿哈瑪特殃民蠹國固法所當誅但非王著之所得擅殺且著與妖人連結以奸徒詐爲太子矯令調發官兵橫加屠害是直叛逆矣又何以責阿哈瑪特之罪惡獨深乎至太子是時已奉朝政既悉阿哈瑪特之奸何難告之世祖明正其罪乃以素所嫉惡之故爲著輩所窺致得假託妄行構爲禍亂其時隨往上都不至蒙展太子弄兵之譴然不能防慎嫌微故人潛伺他日憂懼周年未必不由此釀成疑釁也

三月益都千戶王著殺阿哈瑪特于闕下

著因人心怨阿哈瑪特密鑄大鎚與妖人高和尚謀擊

殺之時皇太子從帝如上都而阿哈瑪特留守京師著

以太子素惡其姦乃遣二西僧至中書詐稱皇太子還

都作佛事省中疑之高鵬

字彥解渤海人

張九思

字子有宛平人

時宿

衛宮中詰之倉皇失對遂執之訊問不伏及午著復矯

太子令俾樞密副使張易發兵夜會東宮易不察遽以

兵往鵬問果何爲易附耳語曰太子來誅左相既而省

中遣使出迎悉爲僞太子所殺奪其馬入健德門夜二

鼓至東宮前立馬呼省官至前責阿哈瑪特數語著卽

牽去以所鑄銅鎚碎其腦立斃繼呼郝鎮至殺之囚右

丞張惠。

字庭傑。成都新繁人。

于是鵬九思開門大呼曰。此賊也。叱

衛士急捕之。留守布敦持挺擊立馬者墜地。衆奔潰。多

就擒。高和尚逃去。惟著挺身請囚。時帝在察罕諾爾。方

紀要在故開平衛。注見前。聞之。卽遣和爾郭斯等歸。討爲亂者。

獲高和尚于高粱河。與王著。張易皆棄市。著臨刑大呼

曰。王著爲天下除害。今死矣。異日必有爲我書其事者。

復以張易從著爲亂。將傳首四方。張九思曰。易應變不

審。則有之。坐以與謀。則過矣。乞免傳首。從之。

夏四月。以和爾郭斯爲右丞相。

初昂吉爾岱

舊作甕吉刺帶。今改。

爲右丞相。至是降留守。以和爾

郭斯代之。皇太子謂曰。阿哈瑪特已死。汝任中書省事。

有便國利民者。毋憚更張。或有阻撓。吾當力持之。自是庶務更新。省部用人。多所推舉。

詔戮阿哈瑪特屍。窮治其黨。

阿哈瑪特死。帝猶不深知其姦。及詢樞密副使博囉。

舊作

字羅乃盡得其罪狀。始大怒曰。王著殺之。誠是也。命發

塚剖其棺。戮屍于通元門外。縱犬食之。四民聚觀稱快。

籍其家。得櫝藏二人皮。問之。其妾云。每咒詛時。置神座

于上。又以絹二幅。畫甲騎圍守幄殿。兵皆張弦。挺刃內

向。如擊刺者。狀涉不軌。遂并誅其子瑚遜等四人。尋令

中書省。悉罷黜其黨與。凡汰其官省部者。七百十四人。

罷其濫設官府二百餘所。又以郝鎮耿仁。黨惡尤甚。鎮

已死。命戮其屍。下仁于獄。誅之。

以張雄飛

字鵬舉。琅琊臨沂人。

為參知政事。

初。阿哈瑪特欲誣殺秦長卿。

洛陽人。

劉仲澤。尼瑪多卜丹。

舊作亦麻都丁。今改。

三人。雄飛為兵部尚書。持不可。阿哈瑪特使

人陷之曰。誠殺三人。當處以參政。雄飛曰。殺人以求大

官。不為也。阿哈瑪特怒。出為澧州安撫使。三人竟死獄

中。後雄飛累遷御史中丞。行御史臺事。阿哈瑪特以其

子瑚遜為江淮右丞。恐不能容。改雄飛陝西按察使。未

行。阿哈瑪特死。召拜參知政事。瑚遜被逮。敕廷臣雜問。

瑚遜歷指宰執曰。汝曾受我家錢。何得問我。雄飛曰。我

曾受否。曰。獨公無。雄飛曰。如是則我當問汝矣。遂伏辜。

六月己丑朔日食。

命索多將兵擊占城不克引還。

初朝廷以占城既附遣索多就其國立省撫治之王子補的負固弗率凡使臣經其國者皆執之帝怒命索多討之已而破其城王子遁入山谷後遣其臣寶脫禿花陽求歸附以款師復潛殺所執使臣皇甫傑等百餘人索多等久之方覺其詐乃遣兵攻之轉戰至木城下阻隘不敢進賊兵旁截歸路軍殊死戰得出索多等遂引還。

秋七月戊午朔日食。

九月俱藍國入貢。

海外諸蕃惟馬八兒與俱藍足以綱領諸國而俱藍又
爲馬八兒後障自泉州至其境約十萬里遣招討使楊
庭璧三往招之遂遣使貢寶貨及黑猿一自是海南諸
蕃凡十國。曰馬八兒曰須門那曰僧急里曰南無力曰
馬蘭丹曰那旺曰丁呵兒曰來來曰急蘭亦
解曰蘇木都刺皆以次遣使暨子弟上表來覲入貢。

遣使括雲南金。

定其賦稅用金爲則。

詔諸路歲舉儒吏各一人。

中書省掾史有闕選樞密院御史臺六部令史轉用之。
令史則取諸路歲貢之數仍詔諸路歲貢儒吏儒必通
吏事吏必知經史事者。

掾史令史之流不過司簿
書供指使而已其他非所
宜預則又何必兼通經史
雖昔蕭曹輩起家刀筆未
嘗不可爲一代名臣然亦
不聞其嫻于學問也後世
流品既難強合若必責諸

路歲舉各一人則有志者
必不肯屈于小就而黠猾
者轉得藉此爲舞文之資
未見其利而先以滋弊其
爲政事之蠹可勝道哉

冬十月以宋衍聖公孔洙爲國子祭酒提舉浙東學校。

孔子後自宋南渡初其四十八代孫端友子玠寓衢州。

事見前。帝旣平宋疑所立或言孔氏子孫寓衢者乃其宗

子召洙赴闕洙遜于居曲阜者帝曰寧違榮而不違親

真聖人後也遂命爲國子祭酒兼提舉浙東學校

十二月殺宋少保樞密使信國公文天祥

時有閩僧言土星犯帝座疑有變未幾中山有狂人自

稱宋主有衆千人欲取丞相京城亦有匿名書言某日

燒簑城葦率兩翼兵爲亂丞相可無憂者朝廷疑之遂

撤簑城葦遷瀛國公及宋宗室于上都疑丞相爲天祥

乃召天祥入諭之曰汝移所以事宋者事我當以汝爲

相矣。天祥曰：天祥爲宋宰相，安事二姓？願賜之一死，足矣。帝猶未忍，遽麾之退。左右力贊從其請，遂詔殺之于

都城之柴市。

在今北城教忠坊西北隅。

天祥臨刑，殊從容，謂吏卒曰：

吾事畢矣。南向再拜死。其衣帶中有贊曰：孔曰成仁，孟

曰取義，惟其義盡，所以仁至。讀聖賢書，所學何事？而今

而後，庶幾無愧。其妻歐陽氏收其屍，面如生。

天祥既死，帝臨朝嘆。

曰：文天祥，好男子，不肯爲吾用，殺之誠可惜也。乃贈廬

陵郡公，諡忠武。命王積翁書神主，設壇祀之。丞相博羅

初行奠禮，忽狂飈旋地起，卷主入雲中。博羅等因改書

前宋少保右丞相信國公，天始開霽。方天祥之在獄也，

忠義之氣著於詩歌，系數十百篇，及死，兵馬司籍所存

上之。觀者無不流涕悲慟，有得其一履者，亦寶藏之。尋

有義士張毅甫者，負其骨歸葬吉州。適家人白廣東奉

其母曾夫人之柩，同日至城下，人以爲忠孝所感云。史臣曰：自古志士欲信大義于天下者，不以成敗利鈍動其心。君子命之曰仁，以其合天理之正，卽人心之安。

爾宋德祐亡矣。文天祥奉兩孱主。崎嶇嶺海。以圖興復。兵敗身執。終不可屈。而從容伏劍。就死如歸。是其所欲。有甚于生者。可不謂之仁哉。

徵處士劉因。初名駟。字夢驥。後改名。因。字夢吉。保定容城人。為右贊善大夫。尋辭歸。

因天資絕人。日記千百言。過目成誦。初為經學。究訓詁。注釋之說。歎曰。聖人精義。殆不止此。及得周邵程朱之書。一見即曰。我固謂當有是也。及論諸子之所學。則曰。邵至大也。周至精也。程至正也。朱子極其大。盡其精。而貫之正也。愛諸葛孔明靜以修身之語。表所居曰靜修。布呼密。一名時用。字用臣。世為瑯琊部大人。按布呼密舊作不忽木。瑯琊舊作唐里。今並改正。薦之。詔徵之。至。擢右贊善大夫。尋以繼母老。辭歸。俸給一

無所受

詔御史臺得自選其屬

初御史惟用漢人至是中丞崔或

字文卿弘州人

請參取蒙古

人用之又言臺察之選止由中書寧無偏黨之弊今宜

令本臺得自選任從之

既而江淮省臣有欲專恣而忌臺察之言者上議欲以行臺隸

行省詔廷臣雜議兵部尚書董文用曰御史臺譬之臥虎雖未噬人人猶畏其虎也今虛名僅存而綱紀猶不

振更加抑之則風采然無復可望矣此不可行也遂止

始海運

大都糧運仰給江南者或自浙西涉江入淮由黃河逆

流至中灤

鎮名在開封府封邱縣南黃河北岸元初運道以此為中頓

陸運至淇門

亦鎮名在衛輝

府汲縣東北入運河

即衛河注見前以至京師又或自利津

海運權輿于秦起黃腴瑯琊負海之郡以達北河唐亦嘗轉東吳粳稻給幽燕皆不過偶一行之迨元時大開海道徑抵直沽當時未嘗不稍資其利然遠涉重洋風信不時洪濤難測

往往亦受其害固不若河漕飛輓之安行無患也明漕務者猶請兼行海運議論紛紜亦狃于偏見而不能權利害大小者矣

河。即大清河下流。或開膠萊河。在萊州府平度州東南。膠州東北。入海。

利津運道自淮達泗。入大清河。至利津入海。膠萊河分

南北二流。南流自膠州麻灣口入海。北流經平度州。至

掖縣海倉。勞費無成。初。宋季有海盜朱清者。嘗為富家

傭。殺其主。亡入海島。與其徒張瑄。乘舟抄掠海上。備知

海道曲折。尋就招懷。為防海義民。巴延平宋時。遣清等

載宋庫藏諸物。從海道入京師。授金符千戶。二人遂言

海運可通。乃命總管羅璧。字仲玉。鎮江人。暨瑄等。造船六十艘。

運糧四萬六千餘石。由海道入京。然創行海洋。亦逾年

始至。朝廷未知其利。仍通舊運。尋復因蒙古言。海運

為便。遂立萬戶府四。總其事。又併四府為都漕運萬戶

府。止令清瑄二人掌之。

元時海運。自平江路劉家港入海。經通州海門縣開洋。沿山嶼。

而行其道險惡已而朱清等開生道自劉家港開洋轉放大洋取道差為徑直後殷明畧又開新道從劉家港入海至崇明之三沙放洋向東行入黑水大洋取成山折而西至登州沙門島放大洋至直沽舟行風信有時自浙西至京師不過旬日而已劉家港今曰劉家口婁江下流也在太倉州鎮洋縣東北海門縣五代周置後圯于海今廢餘注俱見前

癸未二十年春正月立翁吉喇特氏為皇后

時帝春秋高后頗預朝政相臣常不得見帝輒因后以

奏事焉

初翁吉喇特之族從太祖起兵有功尋立其女為后遂與約曰翁吉喇特氏生女世以為后生

男世尚公主故元世諸后多其族焉

詔停燕南河北山東租賦

御史臺臣言燕南河北山東去歲旱災按察司已嘗閱視而中書不為奏免稅糧民何以堪詔令有司權停勿

徵

時刑部尚書崔彥亦言自阿哈瑪特用貪吏河南北

諸郡人不聊生江南既定中原之民相率南遷以避

徭役者十八九數年之間亡失十五六萬餘戶去家就

旅豈人之情賦重政繁驅之至此乞特降詔旨招集復

業量免科役蠲除積欠給還事產郡縣長吏滿替以戶

口增耗為黜陟其徙江南不還者與土著之人一例差

遣庶幾流亡自歸田野日闢詔下廷臣議行之河北流

民渡河南就食者朝廷遣使止之按察副使程思廉曰

甚眾程思廉字介甫東勝州人

三月廣州亂討平之

廣州民林桂方等擁眾萬餘稱羅平國改元延康官軍

擒斬之餘黨悉平

夏四月復命高麗王瞻及安塔哈發兵擊日本

帝憤日本襲殺島中軍命高麗王瞻及安塔哈領征東

行省左丞相率師往擊之詔各路拘集水手又造船五

百餘艘。民不勝苦。中丞崔彧及昂吉爾皆諫止。不從。

五月。罷採民間女子。

初。有詔採民間女子入內。有司質緣爲害。耶律鑄

字成仲。楚材。

請令大郡歲貢三人。小郡二人。庶不大擾。至是。復因

崔彧言罷之。

六月。詔增給官吏俸。

初。詔定官吏贓罪法。自五十貫以上。皆決杖。除名不叙。百貫以上者死。崔彧言。今百官月俸。不能副贍養之資。難責以廉勤之操。宜更議增庶官月俸。所增俸鈔。雖賦之于民。官吏不貪。民必受惠。其有以貪抵罪。又復何辭。遂詔內外官吏俸。以十分爲差。增給五分。

詔四川行省擊溪洞蠻平之

思播以南施黔鼎澧辰沅之界

各州注俱見前

九溪十八洞蠻

獠叛服不常詔四川行省討之參政奇爾濟蘇

舊作曲里吉思

改等鑿山開道分兵並進諸蠻伏險以拒然眾寡不敵

多就擒戮其酋長率眾來降詔分其地郡縣之

大者為州小者

為縣并立總管府聽順元路宣慰司節制

冬十一月桑阿克達爾擊緬破之西南夷十二部俱降

諸王桑阿克達爾及右丞台布等分道攻緬江頭城

在緬甸

破之遣使招諭其王不應以建都太公城

在江頭城

乃

其巢穴復進軍拔之初金齒

百蠻之俗以金塗其齒者曰金齒蠻元初置金齒宣

撫司于銀生厓甸後以遠不可守諸夷欲降制于緬不移于近地今雲南永昌府治是也

能達。既克二城。遂俱來降。明年。緬酋來降。遂于蒲甘緬城。置邦牙宣慰司。以兵戍之。

蒲甘緬城。在緬甸西南。

甲申二十一年春正月。羣臣上尊號。

時議欲肆赦。張雄飛諫曰。古人言。無赦之國。其刑必平。故赦者。不平之政也。聖明之世。豈宜數赦。上納之。遂止下輕刑之詔。

二月。遷宋宗室及大臣之仕者于內地。

時荆湖閩廣間。兵興無寧歲。有言宋宗室居江南欲反

者。遣使捕之。宿衛士謬爾根薩里。輝和爾人。舊作阿曰魯。渾薩里。今改。

江南初下。民心未附。宋宗室反。不聞郡縣言。而信一人

浮言。輒捕之。恐人人自危矣。帝悟。召使者還。尋詔遷宋

赦非善政。古人論之甚詳。亦恐民之恃赦令而輕犯法也。然雋災肆赦。唐虞亦所不廢。則偶一行之。未嘗不可。寓欽恤之仁。但不可無故數舉。以致縱惡長奸。耳。張雄飛乃以赦為不平之政。未免言之過當。果如所云。豈昔臯陶作士。讞獄罔水盡得平。猶待帝廷之覆赦耶。

宗室及大臣之仕者于內地。

遣王積翁使日本。未至。舟人殺之。

帝以其俗尚佛。遣積翁與補陀

山名。在寧波府定海縣東海中。梵名補陀洛迦。

華言小白華也。亦名普陀山。

僧如智航海以往。舟人有不願行者。共

謀殺積翁。

秋七月。詔鎮南王托歡

帝第九子。

假道安南。擊占城。

帝怒占城叛服不常。詔封子托歡為鎮南王。與左丞李

恒往會。索多兵。進擊之。復以安南通謀占城。令軍行假

道于其國。且徵其糧餉以給軍。

已而托歡次安南。安南王陳日烜言其國至占

城。水陸非便。遣兵分道拒守境上。

九月。京師地震。

冬十一月。和爾郭斯張雄飛等罷。復以安圖為右丞相。盧

世榮

大名

為右丞。史樞為左丞。博囉哈思哈雅

舊作不魯。逃失海牙。

薩題勒密什。

舊作撒的迷。失。今並改。

並參知政事。

初。阿哈瑪特專政。世榮以賄進。使權茶江西。以罪廢。阿

哈瑪特死。廷臣諱言利。無副上意者。總制院使僧格。

丹巴。

國師弟子。能通諸國語言。丹巴。一名恭噶喇實。西域圖

克達木人。按僧格。舊作桑哥。丹巴。舊作膽巴。恭噶喇實

舊作功嘉葛刺思。

圖克達木。舊作突甘思旦麻。今並改。

薦世榮才能富國。召問。稱

旨。令與中書廷辨所欲行。右丞相和爾郭斯等皆以議

不合。罷去。復以安圖為右丞相。盧世榮為右丞。史樞等

皆世榮所薦也。

初。安圖與北安王為海都所拘。十年始得還。有譖其嘗受海都官爵者。帝怒。斷

事官石天麟。亦自海都部中還。奏曰。海都實宗親。偶有違言。非仇敵比。安圖不拒絕之。所以釋其疑心。導其臣

順也。帝怒方解。雄飛剛直廉慎。始終一節。嘗召見便殿。語之曰。聞卿貧甚。賜白金二千五百兩。鈔二千五百貫。既出。又加賜黃金五十兩。雄飛拜受。封識藏于家。及其罷政。阿哈瑪特之黨。矯詔追奪之。或有勸雄飛自辨者。雄飛曰。上以老臣廉。故賜臣。然臣未敢輕用。而封識以俟者。正慮今日耳。又何自辨乎。尋起為燕南河北道宣慰使。卒。

石天麟字天瑞。順州人。海都太宗第五子哈什王之子。

詔盧世榮為鈔法。下御史中丞崔彧吏罷之。

自古言利之臣其始進也皆謂不取于民而國用自足。桑弘羊之平準法。王安石之制置司。皆然。世榮益尤而效之者。不知天地生財止有此數。不在官則在民。散利于民則財之源通。而民足。君孰與不足。富專其利則財之源塞。而民貧。國困之亦貧其機至捷。而其理亦至易曉。惟在人主審乎本末輕重之間耳。

世榮既入中書。即日奉詔理鈔法之弊。自謂其生財有法。用其法。當賦倍增。而民不擾。翰林學士董文用謂曰。此錢取于右丞家邪。將取之民邪。取于右丞家。則吾不知。若取于民。則有說矣。牧羊者。歲嘗兩剪其毛。今牧人曰。剪以獻主者。固悅其得毛之多。然羊無以避寒熱。既死且盡。毛又可得乎。民財有限。右丞將盡取之。得無有

日剪其毛之患乎。世榮不能對。御史中丞崔彧亦極言世榮不可相。帝大怒。下彧吏。欲致之法。尋罷之。

詔議立科舉法。不果行。

至元初。丞相史天澤學士承旨王鶚等。屢請帝以科舉取士。詔令中書議定程式。未及施行。至是和爾郭斯與留夢炎等。復言天下習儒者少。而由刀筆吏得官者多。帝曰。將若之何。對曰。惟貢舉取士爲便。凡蒙古之士。及儒吏陰陽醫術。皆令試舉。則用心爲學矣。帝可其奏。會和爾郭斯罷。事遂止。

宋謝太后卒于燕。

乙酉二十二年春正月。罷江南行御史臺。尋復之。

盧世榮奏罷江南行御史臺。及改諸路按察司爲提刑轉運司兼理錢穀。未幾御史臺臣言行臺不可輒罷。且按察司兼轉運則糾彈之職廢。帝以爲疑。安圖曰江南盜賊屢起行臺鎮遏之功居多不可罷。但與行省並治杭州差覺僻遠宜徙江州。據三省之間從之。

二月立規措所。

初盧世榮言天下歲課鈔九十萬餘以臣經畫之不取于民可增三百萬事未行而中外已非議臣請與臺院面議上前行之帝曰不必如此卿但言之世榮又言自王文統後鈔法虛弊已久宜括銅鑄錢并製綾券與鈔叅行泉杭二州宜立市舶轉運司給民錢令商販諸番

官取其息七。民取其三。各路雖設常平倉。名存實廢。宜取權豪所擅鐵冶鑄器鬻之。以其息儲粟平糶。則可均物價而獲厚利。民間酒課太輕。宜官給鈔。行古權酤法。仍禁民私酤。米一石。取鈔十貫。可得二十倍。國家以兵得天下。不藉糧餽。惟資羊馬。宜于上都隆興諸路。買幣帛。易羊馬。選蒙古人牧之。歲收其皮毛筋角酥酪之用。以十之二與牧者。而馬以備軍興。羊以充賜予。帝皆善而行之。至是。請立規措所。所司官吏。以善賈爲之。帝曰。此何職。世榮曰。規畫錢穀耳。從之。又言天下能規運錢穀者。爲阿哈瑪特所用。今悉以爲汚濫。黜之。臣欲擇用之。懼有言臣私有罪者。帝曰。何必計此。第用其可用者。

珂哈瑪特之好世祖既深
悉之則其黨之不坑復用
亦無待再計乃以世榮巧
言贊惑仍聽其引擢何其
無定見也且宋自陳鑑以
後日陵削其民浸至閭閻
困阨愁苦以底于亡殷鑒
正復不遠元祖方撫有萬
邦自當拯民于水火之中
與之更始奈何轉蹈其覆
轍自古寧有不務恤民而
能保世垂裕者乎

于是擢用甚衆。

立真定等路宣慰司兼都轉運司領課程事。

世榮請于真定濟南太原甘肅江西江淮湖廣等處立
宣慰司兼都轉運司以治課程仍嚴立修例禁諸司不
得沮撓檢察以宣德主好禮並爲浙西宣慰使帝曰宣
德人多言其惡世榮言彼自陳能歲辦鈔七十餘萬錠
是以用之。

夏五月托歡兵擊陳日烜敗走之遂入其城而還日烜遣
兵來追索多李恒戰死。

托歡屢移書日烜假道不納益脩兵船爲迎敵計托歡
乘間縛棧爲橋渡富良江北與日烜大戰破之日烜遁

走不知所之。其弟益稷率其屬來降。然交兵雖敗而勢猶盛。適盛夏淋潦。軍中疾作。死傷者衆。占城竟不可達。

乃謀引兵還。交兵追襲之。李恒中毒矢。至思明。唐置州。明爲府。

今府屬廣西。卒。索多軍與托歡相去二百餘里。托歡軍與安南接界。

還索多猶未知之。亟趨其營。交人邀于乾滿江。富良江。別流在

安南國故交州府界。力戰而死。

冬十一月。盧世榮伏誅。

世榮居中書數月。恃委任之專。肆無忌憚。視丞相猶虛位也。左司郎中周巖因議事微有可否。誣以沮格詔旨。入奏。令杖一百。斬之。于是朝中震懾。無敢言者。監察御

史陳天祥

字吉甫。趙州寧晉人。徙洛陽。

上疏言。世榮始爲江西權茶

轉運使屢犯贓罪。動數萬計。今竟不悛。狂悖尤甚。雖居
丞轄。實專大政。恣行苛刻。大肆誅殺。欲以一歲之期。致
十年之積。考其行事。不副所言。始言能令鈔法如舊。鈔
今愈虛。始言能令百物自賤。物今愈貴。始言不取于民。
能令課程增三百萬錠。今乃迫脇諸路官司。虛增其數。
凡若所爲。動爲民擾。脫不早有更張。須其自敗。正猶蠹
雖就除。木病深矣。疏聞。詔丞相以下雜問其罪。復召天
祥與世榮。俱至上都。親鞫之。一一款服。遂命誅之。世榮
言利進。太子意深非之。財非天降。安能歲取
贏乎。僧格素主世榮者。聞太子言。不敢挾之。

十二月。集僧四萬。作資戒會。

凡七晝夜。

內禪豈臣下所宜請而臺
之奏安知不即出于讒構
者之所為不獨乘間發書
之變由奸黨也精吉木憂
懼而卒論者多惜之而咎
元祖之不明不知精吉木
之禍不始于請禪之日而
伏于參預朝政之時潛龍
勿用經有明言而精吉木
皆反之且我遇是禮亦當
如是豈為子者所忍言使
當日但令其養德承華則
季亦何由窺伺即阿哈瑪
特之事奸徒亦何由假其
名以釀禍機耶甚矣始事
之不可不慎也

太子精吉木卒。

時帝春秋高南臺御史上書請內禪太子聞之懼臺臣
寢其奏不敢聞而阿哈瑪特之黨以臺臣隱匿乘間發

之帝震怒太子益憂懼不安尋卒。

太子初從姚樞竇默

大臣一時在師友之列者非朝廷名德則布衣節行之
士在中書日久明于聽斷聞四方科徵輓漕造作和市
有係民之休戚者多奏罷之中外歸心焉江南行省以
歲課羨鈔四十七萬買來獻太子怒曰朝廷但令汝等
安百姓百姓安錢糧何患不足百姓不安錢糧雖多能
自奉乎盡卻之行臺治書侍御史王憚進承華事畧二
十篇太子覽之至漢成帝不絕馳道唐肅宗改絳紗服
為朱明服心甚喜曰我若遇是禮亦當如是又至邢峙
止齊太子食邪蒿顧侍臣曰一菜之名遽能邪人耶詹
事孔九思曰正臣防微理固當然太子善其說令諸子
傳觀之其大雅不羣蓋本于天性

云王憚字仲謀衛州汲縣人。

以哈喇哈斯

鄂羅納爾氏舊作哈喇哈
孫幹刺納兒今並改正。

為大宗正。

哈喇哈斯由掌宿衛。

哈喇哈斯之曾祖奇哩太祖時以功賜號達爾罕至元初錄功臣

後以哈喇哈斯掌宿衛襲號達爾罕

拜太宗正用法平允時欲以江南獄

隸宗正哈喇哈斯曰江南新附教令未孚且相去數千里欲遙制其刑獄得無冤乎事遂止。

丙戌

二十三年春正月詔罷征日本大舉兵伐安南不果行。

先是立征東行省命安塔哈洪茶邱等再擊日本敕各

處造海舶集漕船募水手貯糧餉期以是年三月以次

而發八月會于合浦有司徵斂大爲姦利吏部尚書劉

宣

字伯宣其先潞人從太宗

上書曰近日再興日本之兵此役不息

安危所係近用索多議伐占城哈雅言征交趾三數年

間吏民大擾盜賊蝟興且交趾小邦親土提兵深入無

功反殪大將況日本海洋萬里。非二國比。萬一不利。援
其安能飛渡邪。帝納其言。遂下詔罷征日本。專事安南。
命阿爾哈雅等。大徵各省兵。仍遣鎮南王托歡將之以
行。以安南王弟陳益稷效順來歸。封爲安南王。約平定
其國。以兵納之。宣復言曰。安南臣事已久。歲貢未嘗愆
期。往者用兵無功。瘡痍未復。今乃復大舉。聞者恐懼。且
交廣炎蒸之區。今約七月集諸路兵于靜江。病死者必
衆矣。况湖廣密邇溪洞。寇盜尙多。大兵一出。萬一奸頑
乘間生變。何以應之。時湖廣宣慰司亦上言乞罷交趾
兵。以甦民窮。詔從之。令還軍各省。居益稷于鄂州。

二月禁漢人持兵器。

元既統壹海宇。則中外孰
非臣僕。肯光武推心置腹。

罷鬻江南學田

雖盜賊尚可收其用况均為赤子乎漢人持兵器之禁徒示人以不廣豈天下

為公之量誠撫馭得其道

則凡食毛踐土之倫何不可聯為一體以充卒伍而

資捍衛若必過示禁防轉

使人心離渙其弊更不止

于因噎廢食矣且蘇秦劍

鋒鏑鏖而勝涉輩且斬木

揭竿以起厲禁又何益哉

時江浙行省理算錢穀甚急鬻所在學田輸其直于官

利用監臣徹哩克

延濟克台氏其曾祖塔喇齊封徐州因家焉按徹哩克舊作徹里延濟克

台舊作燕只吉台塔喇齊舊作太赤今並改

使江南見之謂曰學有田以供

祭祀育賢才安可鬻邪遂奏罷之

三月遣侍御史程文海

字鉅夫後避武宗以字行建昌人

訪求江南人才

先是文海為集賢直學士言省院諸司皆用南人惟御

史臺按察司無之江南風俗南人所諳亦宜參用之至

是遂詔文海仍集賢學士拜侍御史行御史臺事往江

南博采知名之士帝素聞趙孟適葉李

字太白一字舜玉杭州人

名

密諭文海必致此二人文海復薦宋宗室趙孟頫

字子昂秦

小處之際大節攸關孟頫

為宋室宗支史非佚老遺

民可比國亡以後即不能如與釋孟錦輩之身殉宗邦亦當沒齒遜荒以全其志節乃薦剡甫及遽覲顏出歷顯官其能宜方新朝益見忘情故國雖復風流文采推重當時論世者轉惜其名之不速朽耳

王德芳之及張伯淳字師道嘉興人等二十餘人帝皆擢用之。

夏四月遣湖廣右丞納蘇穆爾舊作要束鈞考荆湖錢穀

六月下治書侍御史陳天祥獄

時遣納蘇穆爾鈞考荆湖錢穀中書擬以為平章政事

及托克托呼舊作脫脫忽今改叅知政事帝曰納蘇穆爾小人

事朕方五年授一理算官足矣托克托呼人奴之奴令

史宣使才也觀所進擬令人恥之尋湖廣行省左丞相

阿爾哈雅入朝言納蘇穆爾在鄂豈無贓迹臣亦請鈞

考之遂遣天祥偕往天祥至鄂州即劾納蘇穆爾貪暴

不法諸事時僧格與納蘇穆爾連姻相倚為奸摘天祥

疏中語。誣以不道。遣使究問。欲殺之。行臺御史申屠致

遠。

字大用。壽張人。

累章辨其無罪。猶係于獄。歲餘方釋之。

阿爾哈雅

亦尋卒。省臣言向阿爾哈雅與納蘇穆爾互請鈞考。今雖已死。而事之是非宜暴白。帝曰。此事自納蘇穆爾所發。宜從其言行之。既而納蘇穆爾遂籍阿爾哈雅家貲歸之京師。

秋七月。免左丞相昂吉爾岱。平章政事阿必錫克。

舊作阿必失合。

今改。

先是。二十二年正月。以阿必錫克為平章政事。二月。復

以昂吉爾岱為左丞相。至是。總制院使僧格好言財利。

帝深喜之。遂有大任之意。嘗令具省臣姓名以進。帝曰。

安圖。郭佑。楊居寬等。並仍前職。昂吉爾岱等。其別議。仍

選可代者以聞。遂罷之。自是廷中有所建置。人才進退。

僧格咸與聞焉。

銓定省院臺部官屬。

詔中書省銓定省院臺部官屬。自中書令左右丞相而

下各有定員。

中書省除中書令外左右丞相並一員。平

章政事二員。左右丞並一員。參知政事二

員。行中書省平章政事二員。左右丞並一員。參知政事二

員。行中書省平章政事二員。左右丞並一員。參知政事二

員。行中書省平章政事二員。左右丞並一員。參知政事二

員。行中書省平章政事二員。左右丞並一員。參知政事二

員。行中書省平章政事二員。左右丞並一員。參知政事二

員。行中書省平章政事二員。左右丞並一員。參知政事二

員。行中書省平章政事二員。左右丞並一員。參知政事二

員。行中書省平章政事二員。左右丞並一員。參知政事二

員。行中書省平章政事二員。左右丞並一員。參知政事二

員。行中書省平章政事二員。左右丞並一員。參知政事二

員。行中書省平章政事二員。左右丞並一員。參知政事二

臣者。帝曰。卿言良是。後若此者。其勿行之。

置洪澤芍陂。

注俱屯田。見前。

兩淮兵革之餘。荆榛蔽野。宣慰使昂吉爾言。可立屯田。以給軍餉。時以用兵日本。未卽行。未幾。令千人往其田試之。果大獲。遂以兵二萬屯之。歲得米數十萬斛。

冬十月。河決。

衝突河南郡縣。凡十五處。

開封。祥符。陳留。杞。太康。通許。鄆陵。扶溝。洧川。尉氏。陽武。延

津。中牟。原武。睢州。

役民二十餘萬塞之。

丁亥

二十四年春正月。復詔托歡督諸軍擊安南。屢戰敗之。

陳日烜棄城走。

時復詔托歡督右丞程鵬飛。叅知政事樊楫

冠州人。等進。

擊安南與楫等分兵三道。水陸並進。凡十七戰皆捷。遂深入其境。安南王曰烜。棄城走于海。

二月。以莽珠迪音

舊作麥木督丁。今改。

爲平章政事。

初。莽珠迪音爲右丞。以與盧世榮議不合而罷。尋以其行已廉潔。起佐安圖治省事。至是。遂拜平章政事。

閏月。復置尙書省。以僧格特穆爾並爲平章政事。諤爾根

薩里爲右丞。葉李爲左丞。馬紹

字子卿。濟州金鄉人。

叅知政事。

莽珠迪音言。自制國用使司。改尙書省。頗有成效。今仍分兩省爲宜。詔從之。安圖諫曰。臣力不能回天。但乞不用僧格。別選賢者。猶或不至虐民誤國。不

初置國子監。以耶律有尙爲祭酒。

初太宗設總教國子之官。逮至元初。乃以許衡爲祭酒。而侍臣子弟就學者。纔十餘人。衡旣去。教益廢。而學舍未建。師生寓居民舍。國子司業耶律有尚。屢以言。始立國子監。設監官。增廣弟子員。遂以有尚爲祭酒。祭酒一員。司業二員。監丞一員。學官博士二員。助教四員。生員百二十人。蒙古漢人各半。官給紙劄飲食。仍隸集賢院。設江南各路儒學提舉司。

時江南諸縣。各置教諭二人。又用廷臣議。諸道各置提舉司。設提舉儒學二人。統諸路府州縣學祭祀錢糧之事。未幾。復從僧格等言。鈎考江西學田所入羨餘。貯之集賢院。以給有才藝之士。

三月。行至元鈔。

僧格以交鈔及中統元寶行之既久。物重鈔輕。遂建議更造至元鈔行之。自一貫至五十文。凡十有一等。與中

統鈔通行。每一貫文。視中統鈔五貫文。

時趙孟頫初膺薦入見。詔令與

議。適刑曹欲擬贓罪。滿至元鈔二百貫者死。孟頫曰。始造中統鈔時。以銀為本。虛實相權。及今二十年。輕重相去至數十倍。故改中統為至元。後二十年。至元鈔必復如中統矣。若計鈔抵法。疑于太重。或有誤其沮格鈔法者。孟頫曰。孟頫奉詔與議。不敢不言。公不揆于理。而但以勢相陵。可乎。其人慚而止。

夏四月。諸王納延

烈祖後。廣寧王伯勒格特依之。孫舊作乃顏。李魯古反。今並改正。

反。五

月。帝自將討平之。秋八月。還上都。

先是有告納延反者。帝遣巴延往覘虛實。納延謀執之。

巴延覺脫歸。時西北諸王聞納延反。多從之者。帝以為

憂。宿衛士阿實克布哈

剛哩國王族。太祖拔剛哩時。來歸。舊作阿沙不花。今改。

曰。

此莫若先撫安諸王乃行天討則叛者勢自孤矣帝曰

善爾試爲朕行之乃北說諸王納恰

舊作納牙今改

曰大王聞

納延反耶曰聞之曰大王知納延已遣使自歸耶曰不

知也曰聞大王等皆欲爲納延外應今納延既自歸矣

是獨大王與主上抗耳大王何不往見上自陳爲萬全

計納恰許之于是諸王之謀皆解帝遂議親討之以左

丞李庭等將漢軍用漢法以戰既而納延之黨錦嘉努

舊作金家奴

塔布台

舊作塔不反今並改

擁衆號十萬進逼乘輿帝親

麾諸軍圍之納延堅壁不出司農卿特格

舊作鐵哥今改

曰彼

衆我寡當以疑退之于是帝張蓋據胡床坐特格進酒

塔布台按兵覘之不敢進李庭曰彼夜當遁耳乃引壯

士十餘人抱火礮夜入其陣。礮發果自潰散。帝曰。何以知之。庭曰。兵雖多而無紀律。見車駕駐此而不戰。必疑有大軍繼至。是以知其必遁。遂命庭將漢軍。約蘇特穆爾博爾濟孫。賜號伊魯勒。舊作玉昔。鐵木兒。月呂魯。今並改。後仿此。將蒙古軍並進。納延敗走。追執之。帝遂還。

冬十月戊午朔日食。

檢覈中書錢穀。殺叅知政事郭佑。楊居寬。

初。僧格奉詔檢覈中書省。虧欠鈔六千餘錠。叅知政事楊居寬微自辨。以爲實。掌銓選錢穀非所專。僧格怒。令左右拳其頰。遂與佑皆引服。事聞。帝令丞相安圖共議之。曰。此曹狡獪。毋令他日得以脇問誣服爲詞。由是佑

居寬皆坐棄市籍其家人咸寃之。

時有江寧縣達嚕噶齊吳德者憤言尚書

今日鈞考中書不遺餘力他日復為中書鈞考汝獨不死耶或以告僧格丞相捕德殺之。

十一月以僧格為尚書右丞相諤爾根薩里平章政事。葉李為右丞馬紹為左丞。

帝問翰林諸臣言以丞相領尚書省事漢唐有此制否。咸曰有之。而左丞葉李遽言。前省臣所不能者。僧格舉能行之。宜以為丞相。遂授僧格尚書右丞相。進李右丞。左丞相阿珠卒。

時受命西征至哈喇和卓。

舊作哈刺霍州今改。

卒。追封河南王。

葉李在宋以諸生而勦賈似道及其入元以左丞而首薦僧格何前後之迥殊也。蓋其始或激于意氣而為好名之舉。既則利慾攫心遂至依附權姦而不知恥。虛名之士本不足重。且其人既身事二姓大節已廢。其餘更何足貴耶。

御批歷代通鑑輯覽卷之九十六

元

世祖皇帝

戊子至元二十五年春二月毀宋故宮爲佛寺。

從僧格及嘉木揚喇勒智言凡宋宮殿郊廟悉毀爲寺。復欲取宋高宗所書九經石刻爲浮屠基。杭州府推官申屠致遠力拒止之。天大雨雪有司督民入山伐木死者四百人行省參政董文用曰非時役民民不堪矣宜少徐之不從。

三月帝如上都以鄭制宜

鄭鼎子續綱目誤作鄭子鼎宋元通鑑因之謬甚今依本傳改

正領樞密院事。

故事。車駕加上都。樞密院臣俱從行。歲留一人領院事。漢人不得與焉。至是以屬判官鄭制宜。制宜遜辭。帝曰。汝豈漢人比耶。竟留之。

托歡引軍還。陳日烜邀擊敗之。尋遣使來謝罪。

托歡復遣兵追日烜于海。右丞相阿巴齊

舊作阿八赤。今改。曰。

賊棄巢穴遠遁。意待吾之敝而乘之。將士皆北人。春夏之交。瘴癘將作。賊弗就擒。饋餉且盡。吾不能持久矣。時日烜復遣使請降以款師。諸將信其說。久之不降。擁衆據海口。阿巴齊率衆攻之。將士多被疫。不能進。諸蠻復叛。所得險阨皆失守。遂謀引還。日烜復集散兵三十萬守東關。在安南國治北。有城。遏托歡歸路。諸軍且戰且行。日數十

合賊據險。竊發毒矢。將士裹瘡以戰。樊楫阿巴齊皆死。
前軍蘇都爾舊作昔都兒。今改。奮勇乘之。交人小却。托歡由間
道趨還。日烜。尋遣使入朝。貢金人以代已罪。帝以托歡
無功而還。令出鎮揚州。終身不容入覲。

夏四月。徵宋江西招諭使知信州謝枋得。辭不至。

初。枋得遁入建陽。及程文海至江南。訪求人才。薦宋遺
士三十人。枋得亦在列。枋得方居母喪。遺書文海曰。某
所以不死者。以九十三歲之母在耳。先妣以今年二月
考終。某自今無意人間事矣。亡國之大夫。不可與圖存。
李左車猶能言之。况稍知詩書。頗識義理者乎。某之至
愚極闇。決不可以辱召命。亦明矣。既而留夢炎亦力薦

之奏上。枋得復遺書夢炎。言江南無人才。未有如今日之可恥者。春秋以下之人物。本不足道。今欲求一人如瑕呂飴甥。程嬰杵臼。廝養卒。亦不可得。辯論凡數千百言。卒不行。

江南盜起。

廣東民董賢舉。浙江民楊鎮龍。柳世英。循州民鍾明亮。各擁衆萬餘。相繼而起。明亮勢尤猖獗。詔遣江浙行省

丞相蒙固岱。行樞密院副使雲丹密實。

舊作月的。迷失。蒙固岱傳。作博

囉哈思哈雅。今改。

發四省兵討之。明亮屢降復叛。既而福建按

察使王憚上疏言。福建郡縣五十餘處。連山距海。實邊徽要區。由平宋以來。官吏殘虐。故愚民往往嘯聚。朝廷

遣兵討之。復致蹂踐。甚非一視同仁之意。况福建歸附之民。戶幾百萬。黃華之變。事見前。十去四五。今明亮之勢。又烈于華。其可以尋常草竊視之。宜選精兵。明號令。以計取之。可也。御史大夫伊嚕勒亦言。江南盜起。凡四百餘處。宜選將討之。帝曰。雲丹密實屢以捷聞。蒙固岱已往。卿毋以為慮也。

詔皇孫特穆爾

太子精吉木第三子。即成宗。

行邊。

納延餘黨和洛霍斯。

圖圖爾哈傳。作火魯哈孫。續綱目。作火魯火孫。今改。

及哈丹

等。尚攻掠邊郡未下。詔皇孫特穆爾北撫諸軍討之。都

指揮圖圖爾哈。

奇卜察克國王子拜都察克之。子舊作土土哈班都察。今並改。

擊破和

洛霍斯。還。復敗哈丹軍。盡得遼左諸部。置東路萬戶府。

五月河決汴梁。

汴梁大霖雨。河決。太康通許杞三縣。陳潁二州皆被其害。

秋九月。南臺御史中丞劉宣自殺。

時江浙行省丞相蒙固岱悍戾縱恣。常慮臺臣糾劾其罪。而尤畏宣。日遣人入建康偵伺臺中違失。臺臣憚之。陰求自解。惟宣屹不爲動。蒙固岱益忌之。因羅織宣罪。逮繫其子于獄。又令人妄言宣沮壞錢穀事聞。遂遣使置獄行省鞠治之。宣及御史六人俱就逮。宣不勝憤。遂自剄于舟中。始宣將行。以一緘付從子自誠。令勿啓視。宣死。視其書云。觸怒大臣。誣構成罪。身爲臺臣。義不受辱。當自引決。但不獲以身殉國。爲恨耳。嗚呼。天乎。實鑒此心。聞者莫不悼惜之。延祐中。賜諡忠憲。

置徵理司。冬十月。遣使鉤考諸路錢穀。

初。僧格摘委六部。鉤考百司倉庫財穀。復以爲不專其任。遂置徵理司以主之。時理算之計行。入倉庫司錢穀者。無不破產。及當更代。人皆棄家避之。十月。僧格又言。湖廣錢穀已責償于平章約蘇穆爾。他省欺盜必多。請以參知政事錫都等十二人。理算江淮。江西。福建。四川。甘肅。安西。六省耗失之數。給兵以衛其行。詔皆從之。旣而行臺侍御史程文海入朝。言天子之職。莫大於擇相。宰相之職。莫大於進賢。宰相不以進賢爲急。而惟以貨殖爲心。非爲上爲德爲下爲民之意。今權姦用事。立尙書省。鉤考錢穀。以割剝生民爲務。所委任者。率皆貪饕。

邀利之人江南盜賊竊發良以此也臣竊以爲宜清尙書之政損行省之權罷言利之官行恤民之事僧格大怒留京不遣奏請殺之者六帝皆不允

遣瀛國公趙鼎學佛於吐蕃

十一月立僧格輔政碑

時天下騷然而江淮尤甚讒佞之徒方且諷請立石爲僧格頌德帝曰民欲立則立之仍告僧格使之許也碑成樹之省前題曰王公輔政之碑

十二月以董文用爲御史中丞

文用入爲中丞首舉胡祗適

字紹聞磁州武安人

主憚等十餘人

爲按察使徐琰魏初

字太初弘州順聖人

爲行臺中丞當時以爲

八臣立碑頌德起自漢時實爲責諛陋習魏晉以後如羊祜韋丹功業所留或亦藉此以誌去思之誼然皆事由身後惟姚崇之廣州德政實出同時崇亦卽奏行禁止若僧格蠹國害民罪難更僕當時臣庶不能上書伏闕力斥其奸乃反相率爲媚悅之謀諷請立石所謂廉耻盡喪者矣

不久而奸狀敗露。路擊旋加當日深刻大書至此。悉成笑柄。而閣復以當代儒流。觀顏執筆其視王若虛之不肯爲崔立撰碑者。相去又不啻霄壤矣。

極選會僧格當國。貴戚見之。皆屏息遜避。文用獨不附之。僧格使人諷文用頌已功。不答。又自謂文用曰。百司皆具食丞。相府矣。亦不答。時朔方軍興。而徵求愈急。文用曰。民急矣。外難未除。而內傷其根本。丞相宜思之。因持郡國所上盜賊之目。謂之曰。百姓非不欲安樂。急法暴斂至此。御史臺所以救時政之不及丞。相當有以助之。不當抑之也。僧格愈恨之。日撫拾臺事。譖於帝。言文用慙傲沮法。欲罪之。帝曰。彼御史職也。何罪之有。尋遷爲大司農。

己丑二十六年春正月地震。

開會通河。

卽今山東運河。漕艘上下。以牐啓閉。謂之牐漕。

會通河為漕運襟喉自元人創始以後至今尚仍其利嘗穿渠之始邊汶截泗雖因自然之勢而導之而長川委輸則在人力之隨時調劑其間濬滌多藉泉湖蓄洩全資牖壩南北經流轉相貫注然尤在黃淮之順軌漳衛之循途有治人無治法一勞永逸豈易言哉

從壽張縣注見前尹韓仲暉等言也起須城縣即漢須昌縣後唐改名明省故城在今泰安府東平州安山在東平州西南下有湖湖旁有亭子店即古安民亭遺址汶濟合流處也今為運道所經曰安山鎮有牖西南由壽張西北至東昌又西北至臨清元魏縣明升為州今州屬東昌府引汶水以達御河與上汶水注俱詳前

長二百五十餘里中建牖三十一以時蓄洩河成名曰

會通初畢輔國始于堤城左汶水陰作一斗門過汶入流南通泗淮而未分於北至是始分流絕濟由壽

張以北達於臨清堤城在兗州府寧陽縣東北即漢剛縣故城後訛剛為堤元人置斗門於此曰堤城堰明

改為壩沅河在堤城壩西南本汶水支流自元人遏汶入之其流始盛今河由滋陽縣至濟寧州入運濟水即

大清河注詳前

二月以中書右丞相巴延知樞密院事將兵鎮和林

和林置知院自巴延始

三月庚辰朔日食。

夏四月禁江南民挾弓矢。

犯者籍爲兵。

福建參知政事魏天祐執宋謝枋得至大都不屈死之。

初天祐見時方求才欲薦枋得爲功遣使誘之入城與之言坐而不對或嫚言無禮天祐不能堪乃讓曰封疆

之臣當死封疆安仁之敗

事見前

何不死枋得曰程嬰公

孫杵臼二人皆忠於趙一存孤一死節王莽篡漢龔勝

餓死司馬子長云死有重於泰山輕於鴻毛參政豈足

知此天祐怒逼之北行枋得以死自誓自離嘉興卽不

食二十餘日不死乃復少茹蔬果積數月困殆四月朔

至燕問太后攢所及瀛國公所在再拜慟哭疾甚留夢
炎使醫持藥雜米飲進之枋得怒擲之於地不食五日
死枋得天資嚴厲雅負奇氣風岸孤峭不能與世軒輊而以天時人事推宋必亡於二十年後每論樂毅申包胥張良諸葛亮事常若有千古之憤者而以植世教立民彝爲任貴富貧賤一不動其中死之後子定之護骸骨歸葬信州

六月海都寇邊秋七月帝自將討之

海都兵至和林宣慰使奇卜舊作怯伯今改等反應之劉哈喇

巴圖魯

河東人本姓劉至元中賜名

乘間脫歸報帝帝嘉賚之初海

都至杭愛

在和林北元時置耕屯于此

皇孫噶瑪拉

太子精吉木長子舊作甘麻刺

今改後

率衆與戰失利被圍圖圖爾哈引勁卒陷陣翼

王出及帝親征至北邊謂圖圖爾哈曰昔太祖與臣下

同患難者。飲班珠爾河注見前之水以紀功。今日之事。何

愧昔人。

冬十月。禁百官受饋酒食者。

內外百官有犯之者。籍其家貲之半。

閏月。帝還大都。

十二月。詔括馬。

先是。令百官市馬助邊。猶不足用。復括天下馬充之。其品官所乘者。限數外。悉令入官。

以白絜矩爲尙書省舍人。

紹興路總管府判官白絜矩言。宋宗室居江南者。百姓敬之不衰。久之非便。宜悉遷于京師。僧格以聞。擢爲尙

書省舍人遣之江南發兼併戶。偕宋宗室至京師。既而江淮行省言江南之民方患增課料民括馬之苦。今此舉必致人心搖動。宜且止。從之。

帝幸大聖壽萬安寺。

詔天下梵寺所貯藏經。集僧誦之。仍給所費。歲爲例。

庚寅二十七年夏四月河北十七郡蝗。

秋八月辛未朔日食。

地大震九月赦天下。

武平

卽金大定府。元初爲武平路。後改曰大寧。明爲衛。注詳前。

尤甚地陷黑沙水涌

出壞官署四百八十間民居不可勝計。壓溺死傷者數十萬人。帝深憂之時。駐蹕龍虎臺。

在順天府昌平州西居庸關南口。遣

諤爾根薩里。召集賢翰林兩院官。詢致災之由。議者畏僧格。莫敢指切時政。時僧格遣錫都主巨濟等。理算天下錢穀。已徵者數百萬。未徵者尙數千萬。民不聊生。自殺者相屬。逃山林者。則發兵捕之。于是集賢直學士趙孟頫。因諤爾根薩里入奏於帝。謂須下詔蠲除。庶幾天變可弭。帝從之。詔草已具。僧格怒曰。此必非帝意。孟頫曰。凡錢穀未徵者。其人死亡已盡。非及是時除免之。他日言事者。儻以失陷歸咎尙書。豈不爲丞相深累邪。僧格悟。遂赦天下。民賴稍蘇。

冬十一月。增置萬戶府。分戍江南。

江南行省言。浙東地極險惡。賊所巢穴。初巴延等于各

路置軍鎮戍。蓋視地之輕重而為多寡。後為莽古特更

易其法。今宜復遣三萬戶分地戍守之。

以哈喇台一軍戍明台。伊奇哩

一軍戍溫處。扎呼岱一軍戍紹興發。舊作合刺帶。亦怯剌。扎忽帶。今並改。揚州建康鎮江三

城跨據大江。宜置萬戶府七。杭州置萬戶府四。瀕海沿

江要害二十二所。復宜增置戰艦。分兵閱習水戰之法。

詔從之。

安圖罷。

安圖見天下大權盡歸尙書省。屢求退。不許。至是罷相。

仍領宿衛。

大水。

江南民流者四十五萬餘人。凡發粟五十八萬賑之。

卯^幸

二十八年春正月。僧格及諤爾根薩里葉李以罪免。

天下以僧格鉤考錢穀之故。中外騷動。廷臣莫敢言。集

賢直學士趙孟頫。謂奉御徹哩克曰。僧格罪惡甚矣。我

等不言。他日何以辭其責。公爲上親信。捐一旦之命。爲

萬姓除殘賊。仁者事也。時帝畋遼北。遼河之北也。在順天府通州故遼縣

南。東入白河。徹哩克乘間入言之。詞語激烈。帝怒。謂其毀詆

大臣。命衛士批其頰。血湧口鼻。委頓地上。少間。復呼而

問之。辯愈力。曰。臣與僧格無讐。所以力數其罪而不顧

身者。正爲國家計耳。苟畏聖怒而不言。則姦臣何時除。

民害何時息。帝大悟。召布呼密問之。對曰。僧格壅蔽聰

明。紊亂朝政。有言者。卽誣殺之。今百姓失業。盜賊蜂起。

召亂在旦夕。非亟誅之。恐爲陛下憂。會廷臣言者益衆。遂詔臺省相與辯駁之。僧格辭屈。帝曰。僧格爲惡。始終四年。臺臣豈不知之。知而不言。當得何罪。御史杜思敬曰。奪官追俸。惟上所裁。遂斥罷臺臣之久任者。免僧格等官。命徹哩克率衛士三百人。籍其家。得珍寶如內藏之半。謫爾根薩里以連坐。亦籍其貲。葉李與僧格同事。一無所匡正。亦坐免。久之。得以疾請南還。揚州學正李淦上言。葉李本一黥徒。方受上簡知。卽以舉僧格爲第一事。致以非罪誅之。大臣遣使四出。鈎考錢穀。民怨而盜發。天怒而地震。水災洊至。人皆知僧格用羣小之罪。而不知葉李舉僧格之罪。宜斬李以謝天下。書聞。帝矍然曰。朕素以葉李剛介。寧有是邪。令召淦詣京。師置對。淦至而李已卒。遂擢淦江陰路教授。以旌其直。

二月罷徵理司

詔下之日。百姓相慶。而各路鉤考。猶未盡罷。旣而御史言。鉤考錢穀。自中統至今。餘三十年。更阿哈瑪特。僧格當國。設法已極。其黨公取賄賂。民不能堪。不如罷之。便詔從之。仍命取昔逋負錢穀文牘。聚至一室。非上命而竊視者。罪之。

以旺扎勒

圖卜氏。舊作完澤土別燕。今並改。

爲尙書右丞相。布呼密平章

政事。

初。僧格欲殺楊居寬。郭佑。刑部尙書布呼密。爭之不得。僧格深忌之。謂其妻曰。他日籍我家者。必此人也。因其退食。責以不入曹治事。欲加之罪。遂以疾免。久之。復起爲翰林學士承旨。至是。帝欲用爲相。謂之曰。朕過聽僧

格致天下不安。今雖悔之已無及。朕識卿幼時使從學政。欲備今日之用。布呼密曰。朝廷勲舊齒爵居臣右者尚多。今不次用臣。無以服衆。帝曰。然則孰可。曰。太子詹事旺扎勒可。嚮者籍阿哈瑪特家其賂遺近臣皆有簿籍。唯無旺扎勒名。又嘗言僧格爲相必敗國事。今果如其言。故知其可也。乃拜旺扎勒尙書右丞相。布呼密平章政事。

三月。陪僧格輔政碑。

初。帝命翰林學士闡復

字子靖。山東高唐人。

撰文。至是復已改廉

訪使。

時御史臺改提刑按察司。爲肅政廉訪司。亦坐免。

夏。五月。逮西僧嘉木揚喇勒智下獄。尋釋之。

嘉木揚喇勒智發宋諸陵及其大臣塚墓。攘取金寶珠玉無算。私庇平民之不輸賦者二萬三千戶。田土稱是。及受美女寶物之獻。藏匿未露者尤多。至是坐侵盜官物。遣使逮問。追治之。籍其妻孥田畝。臺省諸臣皆言宜誅之以謝天下。帝不聽。命釋之。給還其所籍。

復徵劉因爲集賢學士。辭不至。

因以疾固辭。帝聞之曰。古有所謂不召之臣。其斯人之

徒歟。遂不彊致之。

初許衡應召時。道過因。因謂曰。一聘而起。毋乃太速乎。衡曰。不如此。則道

不行。至是因不就集賢之命。或問之曰。不如此。則道

不尊。後二年。因卒。延祐中。追封容城郡公。諡文靖。

下僧格獄。逮其黨約蘇穆爾誅之。

崔彧言僧格當國四年。中外百官鮮有不以賄而得者。

親舊皆授要官美地。惟以欺蔽九重。朘削百姓爲事。宜令兩省嚴加考覈。凡入其黨者。並除名爲民。從之。湖廣平章政事約蘇穆爾。僧格妻黨也。尤不法。逮至京師。籍其家黃金至四千兩。遂詔下僧格獄。復繫約蘇穆爾還湖廣。誅之。初。約蘇穆爾因人言湖廣初附時。郡縣長吏中止。卽下令責民自實。使者旁午。隨地置獄。株連蔓引。備極慘酷。民以拷掠歿死者載道。所獲不貲。約蘇穆爾悉掩有之。使至永州。判官烏克遜澤。婉曲曉以利害。卒無所擾。既見鉤考日急。天下騷動。嘆曰。民不堪命矣。卽自上計行省。約蘇穆爾怒曰。郡國錢糧。無不增羨。永州何獨不然。此直府判倚其才辨慢我。亟拘繫之。欲置于死。至是因僧格敗始得釋。

烏克遜澤。字潤甫。臨潢人。

罷尙書省右丞相。旺扎勒等並入中書。

頒行至元新格。

初。朝廷未有法守。百司斷理獄訟。循用金律。頗傷嚴刻。

右丞何榮祖。

字繼先。廣平人。

家世業吏。初以公規治民。禦盜理

財等十事。輯爲一書。名口至元新格。至是奏頒行之。

秋。七月。僧格伏誅。

八月。平陽地震。

壞民居萬八百餘區。壓死百五十人。

九月。遣使招諭琉球。

注見前。

琉球久不通中國。海船副萬戶楊祥。請以兵往伐之。旣而閩人吳志斗。自言熟知海道。宜先招諭之。不從。然後用兵未晚。乃以祥充宣撫使。阮鑑兵部員外郎。志斗禮部員外郎。往招諭之。明年。祥等不至而還。志斗卒于行。

初志斗嘗斥祥誕妄要功人疑爲祥所殺詔福建行省按問會赦不竟其事

冬十月遣禮部尙書張立道

字顯卿其先陳留人徙大名

使安南徵其

王入朝

托歡等旣還帝怒安南不已欲再伐之適陳日烜死子

日燭襲位布呼密曰彼山海小夷以天威臨之寧不震

懼獸窮則噬勢使之然今若遣使諭之彼宜無不奉命

遂以禮部尙書張立道嘗使安南有功復使往徵其王

入朝

十二月蠲瀛國公田租

宣政院臣言宋全太后瀛國公母子已爲僧尼有地三

安南負固不臣屢干王命托歡海口之敗至于折將損兵亟應聲罪以張天討若以其爲窮荒卉服不足以頻動師徒則早當持以鎮靜付之不問乃日燭並未稍知悔過轉遣使徵以入朝跋涉徒勞仍然抗命不至豈不自損威重迄元之世南交終于梗化皆由措置乖方不能使之歸懷

傾誠耳

百六十頃。乞如例免徵其租。從之。

詔議科取之法。

中書省臣言。江南在宋時。徭役爲名七十有餘。一切未徵。今諸王歲賜。官吏俸祿。多不給。宜令江南如宋時諸名征賦盡輸之。至是因何榮祖言。召各省任錢穀之臣。至京師。雜議科取之法。

戶部上天下戶口之數。

戶。一千三百四十三萬三百二十有二口。五千九百八

十四萬八千九百六十有四。游食者不在其數。考是歲戶口數

世祖本紀分內郡江淮四川食貨志則通計天下之數相較不符續綱目係于二十八年數復不合今依本紀

係于是年仍以本紀所分之數總核收輯

壬辰二十九年春正月甲午朔日食。

免朝賀。

開通惠河。即今大通河。自昌平州流貫都城。由大通橋至通州入白河。以郭守敬領都

水監事。

初守敬言水利十有一事。其一欲導昌平縣。即今昌平

白浮村。在昌平州東南。元人築堰于此。神山水。昌平州東北有神嶺山。下有龍潭。流入白浮堰。

即神山。過雙塔榆河。雙塔河在昌平州西北。自孟村經雙塔店故名。榆河即古溫餘水。注

見前。引一畝。泉在昌平州西南。玉泉。出宛平縣西。諸水入

城。匯于積水潭。在宛平縣治西北。東西一里餘。南北半

套亦名。從東折而南入舊河。先時所開金水河也。歐陽

淨業湖。從東折而南入舊河。原功碑記。自積水潭環大

導玉泉西湖諸水以濟漕運。蓋天地自然之利亦見神京川脈靈長也。元人開通惠河置牐蓄洩可謂卓識。然大艘徑達積水潭地勢既高灌注非易。無怪其不能經久。至明季而故道遂淤。艱于興復也。今則暢疏諸泉多建牐。牐廣源而下雙流貫繞禁城。屈曲東注。會于大通橋。其間淤者。皆之廢者。葺之董以苑臣。予以牐吏于足路河轉漕。資精無窮矣。

置都水監。命守敬領之。丞相以下皆親操畚鍤爲之倡。置牖之處。往往于地中得舊時輓木。人服其識。逾年畢工。自是免都民陸輓之勞。公私便之。帝自上都還。過積水潭。見舳艫蔽水。大悅。賜名曰通惠。

詔江南避亂者令復業。

江南福建諸路連歲盜起。居民多入山谷自保。時羣盜皆以次就平。江南右丞高興言。乞招諭復業。詔從之。

二月。以伊克穆蘇

輝和爾人舊作亦黑迷失。今改。

史弼。高興並爲福建行

省平章政事。將兵擊瓜哇。

即古闍婆國。又名莆家龍。亦曰下港。在大海中。占城西南。

初。右丞孟淇使瓜哇。瓜哇黥其面使還。帝怒。命伊克穆蘇及史弼等將兵三萬伐之。時瓜哇國王爲鄰境葛郎

國所殺。其壻土罕必閣耶。迎弼求抹。弼等遂并取葛郎國王以歸。旣而土罕必閣耶復叛。弼等力戰却之。得還死者三千餘人。有司計其亡失貨貝直五千餘萬。帝以其亡失太多。及治其縱土罕必閣耶之罪。弼與伊克穆蘇沒家貲三之一。唯興以不與議得免。

三月。誅僧格黨納喇蘇爾丹等。

初。僧格敗。納喇蘇爾丹摩哩

舊作密里今改

錫都王巨濟等俱

下獄。至是御史臺言其黨比僧格恣爲不法。理算江南錢穀。極其酷虐。民嫁妻賣女。殃及親鄰。維揚錢塘受禍最慘。無辜死者五百餘人。天下之人皆思食其肉。今三人旣伏辜。乞誅之以謝天下。帝以錫都長于理財。欲釋

盜稅而不計其多寡遽當以死固未為得平但庾人自盜律以主守之條實無可辭罪若以母病之故而貸之則凡供子職者皆得藉口養親以遂其抵竊之計利則歸已過則歸親既非所以止盜又豈所以敦孝乎

之布呼密力爭不可日中凡七奏卒併誅之

莽珠迪音罷以特格拉津

舊作刺真今改

並為平章政事

莽珠迪音嘗請復立尙書省專領右三部布呼密曰阿

哈瑪特僧格等相繼誤國身誅家滅

未遠奈何欲

效之乎事遂寢至是以久居其任免猶與議省事特格

與拉津同拜中書平章政事

初特格為司農寺達嚕噶齊從獵布扎爾之地獵者

射免誤中名駢帝怒命誅之特格曰殺人償畜刑太重

帝曰誤耶史官必書亟釋之庾人有盜杭罪應死特格

改

曰臣鞠之其人母病盜以養母耳請貸其死至是進平

章政事以病足聽肩輿上殿布扎爾舊作百查兒今

徵集賢學士楊恭懿

字元甫奉元人

參議中書省事辭不至

恭懿于至元初與許衡俱被召屢辭不起太子精吉木

令有司以漢聘四皓故事聘之。至京師。與定科舉之議。及考正歷法。歷成。授集賢學士。兼太史院事。即辭歸。自是復屢召之。皆不起。至是。監察御史商琥上書薦天下名士。若胡祗適。王憚。姚燧。字端甫。樞從子。雷膺。字彥正。渾源人。等十餘人。恭懿與焉。詔起恭懿參議中書省事。力辭不至。尋卒。夏六月。雨浙水。

詔免田租一百二十五萬七千餘石。

閏月。廣西上思州。

唐置。今州屬南寧府。

亂。遣右丞程鵬飛將兵擊之。

上思州土官黃聖許擁衆二萬。結交趾爲援。寇陷忠州。

宋羈縻州。今爲

江州。

亦宋羈縻州。今爲

及華陽。

元縣。明

土州。屬南寧府。

在今南寧府。

諸縣。詔遣程鵬飛討之。聖許尋敗。走入交州。

安南遣使入貢。

張立道至安南。謂陳日燔曰。昔鎮南王不用嚮道。率衆深入。不戰自潰。天子亦旣知之。汝所恃者。山海之險。瘴癘之惡。而雲南嶺南之人。與汝習俗同而技力等。今發而用之。繼以北方之勁卒。汝復能抗哉。且前年之師。殊非上意。邊將讒汝耳。汝曾不悟。稱兵抗拒。逐我使人。今禍且至矣。日燔泣謝。出奇寶爲賄。立道却之。因要其入朝。日燔曰。貪生畏死。人之常情。誠有詔貸以不死。臣將何辭。乃先遣其臣何惟嚴阮代之。隨立道上表謝罪。修歲貢之禮如初。且言所以願朝之意。時有忌立道之功者。言必先朝而後可赦。日燔懼。卒不至。已而復遣吏部

尚書梁曾及禮部郎中陳孚持詔往徵之。

秋八月罷福建銀冶。

初福建參知政事魏天祐獻計發民一萬鑿山煉銀歲可得萬五千兩天祐乃賦民鈔市銀輸官而私其百七

十錠至是臺臣以聞請追其贓而罷銀冶從之

時寧國路銀冶

課額二千四百兩民皆市易以輸未嘗採之於山省臣以爲言亦詔罷之

冬十二月改封梁王噶瑪拉爲晉王鎮北邊

噶瑪拉初出鎮北邊後封梁王移鎮雲南至是復改封

晉王鎮漠北統領太祖四大鄂爾多之地王天性仁厚

御下有恩民賴以安

諸王穆爾特穆爾

舊作明里鐵木兒今改

附海都以叛詔巴延討之

巴延進兵至哈斯圖嶺。

在和林界。舊作阿徹忽突。今改正。

穆爾特穆爾

已據之。矢下如雨。巴延先登陷陣。諸軍爭奮。大破之。穆

爾特穆爾僅以身免。巴延軍還。遇伏兵。復擊敗之。斬首

二千級。俘其餘衆以歸。

以張珪。

字公瑞。弘範子。

爲江淮行樞密副使。

珪時爲管軍萬戶。入朝。帝欲用爲樞密副使。約蘇特穆

爾曰。珪尚少。果欲大用。可俟他日。帝曰。不然。其家爲國

滅金滅宋。盡死力者三世矣。而可吝此。遂拜江淮行樞

密副使。

癸巳

三十年春正月。汰冗員。

凡省内外官。府二百五十五所。官六百六十九員。

詔邊軍屯田。

詔邊境無事。本軍屯耕以食。

始置社稷。

至元初已詔歲祀。而未立壇壝。至是始用崔彥言置之。

右丞相安圖卒。

帝聞之震悼。曰。人言丞相病。朕固弗信。果喪予良弼。命

大臣監護喪事。

後大德中追封東平王。諡忠憲。

二月。以嘉木揚喇勒智子安布。

舊作暗普。今改。後仿此。

爲江浙行省

左丞。

尋以江南民怨嘉木揚喇勒智不已。罷之。

三月。括諸路馬。

時以海都入寇。詔羣臣議所以爲備。從樞密李庭言。復括天下馬。凡得十一萬匹。

夏。六月。詔皇孫特穆爾撫軍北邊。召巴延還。以約蘇特穆爾代之。

時有謠。巴延久居北邊。與海都通好。因仍保守。無尺寸之獲者。詔授皇孫特穆爾以皇太子寶。撫其軍。以太傅約蘇特穆爾輔行。召巴延居大同。以俟後命。約蘇特穆爾未至三驛。海都兵復至。巴延遣人語約蘇特穆爾曰。公姑止。待我剪此寇而來。未晚也。遂與海都兵交。且戰且却。凡七日。諸將以爲怯。憤曰。果懼戰。何不授軍于太傅。巴延曰。海都懸軍涉吾地。邀之則遁。誘其深入。一戰

可擒也。諸將必欲速戰。若失海都。誰執其咎。諸將曰。請任之。卽還軍擊敗之。海都果脫去。乃召約蘇特穆爾至軍中。授以印而行。皇孫舉酒餞之曰。公去。何以教我。巴延舉所酌酒曰。可慎者。惟此與女色耳。

秋七月。以伊徹察喇。

博勒呼之孫。按伊徹察喇。舊作月赤察爾。今改。後仿此。

知樞密

院事。

初。伊徹察喇。由長集賽授宣徽使。

本宋官。元以院掌供玉食。光祿寺屬焉。院

使秩正二品。

從帝北征。奏曰。安圖巴延。伊嚕勒皆嘗受命征

伐三人者。臣不可以後之。臣願躬出一戰。帝曰。爾以安

圖輩與爾家同功一體。各立戰功。恥不逮耶。然躬親侍

衛。厥功非小。何必踐行伍。乃快心耶。及僧格之敗。寔伊

徹察喇潛奏劾之。至是以爲知樞密院事。

八月。安南遣使入貢。詔安置于江陵。復議舉兵伐之。

初。梁曾

字貢父。燕人。

等至安南。其國有三門。日燔欲迎詔自

旁門入。曾貽書責之。往復者三。卒從中行。且諷之入朝。

日燔不從。遣其臣陶子奇偕曾來貢。曾進所與日燔辨

論書。帝大悅。解衣賜之。令坐地上。右丞阿里意不然。帝

怒曰。梁曾兩使外國。以口舌息干戈。爾何敢爾。或讒曾

受安南賂遺。帝以問曾。曾曰。安南以黃金器幣奇物遺

臣。臣不受。以屬陶子奇。帝曰。受之亦何不可。廷臣以日

燔終不入朝。遂拘留子奇于江陵。命劉國傑

字國寶。本金人。姓烏

庫哩氏。後入

中州。改姓劉。與諸王伊勒吉台

舊作亦里吉解。今改。後仿此。

等整兵

元之控馭安南措置實爲
失當前此出師敗勦卽不
應再事招懷泊乎信命往
還迄無要領負固之跡已
彰乃猶欲以空詔羈縻適
以長其跋扈則何如置之
不問之猶善乎且日燔抗

命本朝正當嚴兵待時以
動乃使臣入貢不能示以
威信徒加拘執以快一日
之憤天討不加於有罪而
轉虐及行人又何以令遠
方懷附乎

聚糧復議伐之。

冬十月彗星出紫微垣。

帝憂之夜召布呼密入禁中問所以銷天變之道布呼
密曰風雨自天而至人則棟宇以待之江河爲地之限
人則舟楫以通之天地有所不能者人則爲之此人所
以與天地參也且父母怒人子不敢疾怨起敬起孝故
易曰君子以恐懼修省詩曰敬天之怒三代聖王克謹
天戒鮮有不終漢文之世同日山崩者二十有九日食
地震頻年有之善用此道天亦悔禍海內乂安此前代
龜鑑也願陛下法之因誦文帝日食求言詔帝悚然曰
此言深合朕意可復誦之遂論說至四更乃罷

赦

甲午三十一年春正月知樞密院事巴延還自軍中

巴延時在大同

事具前

帝不豫乃驛召還

考元史世祖本紀三十年十一

月河南江北行省平章巴延入為中書省平章政事。位布呼密上。三十一年春正月。知樞密院事巴延至自軍中。官位各不同。蓋實兩巴延也。續綱目于三十年。則依本紀。書以巴延為平章政事。于三十一年。則又不依本紀。不書巴延至自軍中。似以入為平章之巴延。即至自軍中之巴延。兩人混而為一。今于入為平章之巴延。則以尋常命相。不為特書。于至自軍中之巴延。則以受顧命。兼採本傳特書之。再考元代之名巴延者不一。其最著者。一為平定江南。追封淮安王之巴延。即此還自大同者也。有特傳一。為擁戴文宗至順帝時。竄死南恩州之巴延。與托克托等同傳。一為江西僉事。講學開州。後死賊難之巴延。在儒學傳。其至元三十年入為平章之巴延。則但見本紀。史無列傳。宰相表于是年。又不列其名。惟賽音諤德齊扎斯迪音傳。載其子納喇蘇爾丹有表子曰巴延。官中書省平章事。未子曰巴延徹爾。亦官平章事。合之本紀。當即其人。厥後以受朱清張瑄賂

帝崩。

罷相而又復官。尋為武宗所誅者。當亦即其人。史以其人無可紀。故不為立傳。今以其入相無所關係。故亦不為特書。其為平章以後之事。則仍隨時具載。但不使是年兩巴延相混。故特揭之于此。

親王諸大臣發使告哀于皇孫。知樞密院事巴延總百

官以聽。

兵馬司請日出鳴晨鐘。日入鳴昏鐘。以防變故。巴延阿之曰。汝欲為賊邪。其一如平日。適有盜

內庫銀者。宰執欲誅之。巴延曰。何時無盜。今以誰命誅之邪。人服其有識。

葬起輦谷。

注見前。

廟號世祖。國語尊稱曰。色辰皇帝。

色辰。蒙古語聰明天縱之謂。元史舊訛作

薛禪。今譯改。

史臣曰。世祖度量洪廣。知人善任。使信用儒術。用能立經陳紀。所以為一代之制者。規模宏遠矣。

御史中丞崔彧得傳國璽獻之。

秦璽已為煨燼昔人言之甚詳惟或此舉或以皇孫向在北邊恐上都宗室諸臣起滋異說欲假此以神道設教耳不然穆呼哩為元代甘臣既有此璽安敢久匿不獻直待身後家貧出鬻耶

時穆呼哩曾孫碩迪

舊作碩德今改

已死而貧其妻出玉璽一

鬻之或以告或召秘書監丞楊桓

字武子兖州人

辨其文曰受

命于天既壽永昌此歷代傳國璽也遂獻之故太子妃翁吉喇特氏妃以徧示羣臣丞相以下次第上壽慶曰神寶之出實當宮車晏駕之後此乃天意屬於皇太孫也乃遣右丞張九思資授之

夏四月皇孫特穆爾即位于上都

是為成宗

大赦

皇孫南還及宗室諸王會于上都定策之際親王有違言者約蘇特穆爾謂晉王噶瑪拉曰宮車宴駕神器不可久虛疇昔儲闡符璽已有所歸

授皇太子寶事具前

晉王宗盟

之長何俟而不言巴延亦握劍立殿陛宣揚顧命述所

以立皇孫之意。辭色俱厲。諸王皆股栗。趨殿下拜。皇孫遂卽位。大赦。

追尊皇考曰裕宗皇帝。尊母翁吉喇特氏曰皇太后。

改太后所居舊太子府爲隆福宮。

五月。以約蘇特穆爾爲太師。巴延爲太傅。伊徹察喇爲太保。

罷伐安南兵。釋其使歸國。

六月。庚辰朔。日食。

賜宋使臣家鉉翁號處士。遣還鄉。

家鉉翁在宋以祈請使北。行留滯燕都幾二十載。同時奉使者如高應松卽以不食而卒。鉉翁曾居執政。視家國淪覆。竟不能持一

初。世祖欲官鉉翁。不受。遂安置河間。以春秋教授弟子。數爲諸生談及宋興亡之故。輒流涕太息。至是年逾八

死以報宗邦。仍然教授生徒。視顏人世。雖感興亡而流涕。亦不足以掩其羞。且景迫桑榆。猶復受處士之號。更獨何心。鉉翁既精治春秋。尤當明於大義。正不得因其承受新朝爵祿。稍爲原諒耳。

十。詔賜號處士。放還鄉里。錫予金幣。皆不受。尋卒。秋七月。詔中外崇奉孔子。

布呼密罷爲陝西平章政事。尋復留之。

初。世祖崩時。布呼密得預顧命。丞相旺扎勒以其年位在下。深忌之。帝知其故。慰勞之曰。卿先朝腹心。惟朝夕啓沃。匡朕不逮。庶無負先皇付託之重。廷議大事。多從其言。河東守臣獻嘉禾。布呼密曰。汝部內所產盡如是邪。曰。惟此數莖耳。布呼密曰。如此。則旣無益于民。何足爲瑞。遂罷遣之。西僧作佛事。請釋罪囚祈福。謂之多爾瑪。舊作禿魯麻。今改。豪民犯法。皆賂之以求免。有殺主殺夫。西僧請被以帝后服。乘黃犢出宮門。釋之。云可得福。布呼

密曰人倫者王政之本風化之基豈可容其亂法如是。帝責丞相曰朕戒汝無令布呼密知今聞其言朕甚媿之使人語布呼密曰卿且休朕今從卿言有奴告主者主被誅卽以其主所居官與之布呼密言若此必大壞天下風俗無復上下之分矣帝悟爲追廢前命丞相以下多與謀議不合奏以爲陝西行省平章政事太后謂帝曰布呼密朝廷正人先皇帝所付託豈可出之于外邪乃復留之

冬十月帝至上都。

帝巡狩賽音布拉克

舊作三不刺今改

川之地

方輿紀要賽音布拉克川在故

開平衛境

董文用言先帝新棄天下陛下巡遊不時無以慰

安元元。且人君猶北辰。居其所而衆星拱之。不在勤遠略也。宜趣還京師。帝悟。始還。

弛江西銀冶課額。

江西省臣言。銀冶歲輸萬一千兩。而未嘗及數。民不能堪命。自今從實辦之。不爲額。

十一月。罷江南行樞密院。

初。江淮湖廣江西各立行樞密院。江南省臣累請罷之。帝以問巴延。時巴延已屬疾。張目對曰。內而省院。各置爲宜。外而軍民。分隸不便。帝從之。遂罷三院。以其事歸行省。

以何瑋

易州易縣人。伯祥之子。

爲參知政事。巴延徹爾爲參議省事。

初。帝諭右丞相阿里參政梁德珪

字伯溫。大興良鄉人。

曰。中書政

務卿等皆懷怠心。又不約束吏曹。使選人留滯。僧格雖

姦邪。然僚屬憚其威。政事無不立辦。卿等其約所屬。不

事事者懲之。時省臣凡十一人。至是以瑋參知政事。瑋

曰。古者一相專任賢也。今宰執員冗。政出多門。轉相猜

忌。請損之。不從。巴延徹爾。平章政事。巴延

卽三十年十一月入爲平

章弟也。巴延曰。臣叨平章政事。兄弟宜相嫌避。帝曰。兄

平章于上。弟參議于下。何所嫌也。

十二月。太傅知樞密院事。巴延卒。

諡忠武。

巴延深沉有謀略。善斷。將二十萬衆伐宋。如將一人。諸

將侔之若神明。還朝未嘗言功。及是卒。贈太師。追封淮

安王。

禁侵擾農桑者。

成宗皇帝

乙未元貞元年春正月。以劉國傑爲湖廣行省平章政事。

辰澧地接溪洞。宋嘗選民立屯。免其繇役。使禦諸蠻。在澧曰隘丁。在辰曰寨兵。宋亡皆廢。國傑悉復其制。又視盜出沒之地。置戍三十八所。分屯將士以守之。由是東盡交廣。西亘黔中。周湖廣四境。皆有屯戍。制度周密。諸蠻不能復寇。入朝。賜玉帶錦衣。旌其功。臺臣言。國傑在軍中。每傾家貲。賞資將士。帝命估償之。

二月。帝如上都。

以後諸帝往還上都。俱于首年書之。其或因事特書。不在此例。

留夢炎葉李身事二姓大
善。其後均無足置議
尤葉李改絃晚節首薦僧
格其視夢炎前此之依阿
取容相去無幾世祖第因
其會劾似道謂葉優于留
亦非定論若孟頫僅舉其
學尚為衡妄加軒輊取末
而遺其本尤乖持論之公
蓋亦自惠于言不特阿私
所好耳

留夢炎致仕。

上以其在朝言無所隱。厚賜遣之。

初世祖嘗問夢炎。葉李優劣于趙孟頫。對

曰。夢炎。臣之父執。其人重厚。篤于自信。好謀能斷。有大臣器。葉李所讀之書。臣皆讀之。所知所能。臣皆知之。能之。世祖曰。汝以夢炎優于李邪。夢炎為宋狀元。至宰相。當賈似道誤國。依阿取容。李以布衣。乃伏闕上書。是賢于夢炎也。

三月。安南入貢。

地震。

夏四月。廣京師賑糶米肆。

帝以京師米貴。益廣世祖之制。設三十肆。發米七萬餘石糶之。其肆每年增糶多至四十萬石。行之既久。多為強豪巧取。乃令有司籍貧民戶數。驗口給之。減賑糶之。

直三分之一。每歲亦不下二十餘萬石。

閏月。蘭州河清。

上下三百餘里。凡三日。

釐正選法。

省臣言。阿哈瑪特。僧格。帖勢。賈官。不別賢否。選法大壞。乃詔莽珠。迪音。與何榮祖等釐正之。

五月。升江南諸縣爲州。

以戶爲差。戶四萬五萬者爲下州。五萬至十萬爲中州。凡爲中州二十八。下州十五。又以戶不及額降連州。

注見

前路爲州。

六月。汴梁諸路災。

汴梁蝗。利州蓋州螟。泰安曹州濟寧水。安西。

元陝西行省治京兆。

至元十六年。改。延安。鞏昌。慶陽。環州旱。

時許辰為陝西行省右丞。以關

中饑。議發廩賑之。同列以未經奏請。不可。辰曰。民為邦本。今饑饉若此。若俟命下。無及矣。擅發之罪。吾當任之。

遂發粟賑貧。命亦尋下。許辰字君甫。絳州曲沃人。

秋九月。帝還大都。

冬十一月。太師約蘇特穆爾卒。

後追封為廣平王。

諡貞憲。

十二月。立皇后巴約特。

舊作伯岳氏。駙馬托里實克之女。吾今改。

丙申二年春正月。詔諸王公主駙馬。毋輒罪官吏。

時諸王錫錫。

舊作小薛。今改。等部曲及駙馬曼濟岱。

舊作蠻子。台。今改正。

恣橫擾民。私殺有罪。有司官吏。輒被號召。至是詔非奉。

布呼密額命元臣惟當朝
父左右以酬委任乃因顧
忌同列稱疾不朝是視公
家之計惟以便其計較之
私豈大臣所宜出此而成
宗既知其不諧于眾即當
諭以大義促其出而倚畀
之顧以羣議從違卜重臣
留去其中已漫無主持又
豈馭下之道哉

旨。毋得專擅加罪。

二月。以布呼密爲昭文館大學士。平章軍國事。段貞爲平章政事。

布呼密以與同列多異議。久稱疾不出。帝曰。朕知卿疾之故。以卿不能從人。人亦不能從卿也。欲以段貞代卿。何如。布呼密曰。貞實勝臣。乃拜布呼密爲昭文館大學士。平章軍國重事。辭曰。是職也。國朝惟史天澤嘗爲之。臣不敢當。制去重字。而以貞代爲平章政事。

夏六月。頒宮吏受賕條格。

凡十三等。南臺御史大夫阿拉威迪音

姜衛子。舊作阿老瓦丁。今改。

言。立法貴于輕重得宜。使民不至易犯。今所降條格。除

枉法外。其不枉法者。自二十兩以下。罪與受一分者同科。似輕重少偏。然終未之改也。

秋八月。立捕盜賞格。

御史臺臣言。內地盜賊衆多。乞立條格。督責所屬。期至盡滅。乃詔諸人能告捕者。強盜一名。賞鈔五十貫。竊盜半之。應捕者又半之。皆徵諸犯人。無可徵者。官給之。時盜賊羣起。山東居多。復詔求弭盜方畧。山東東西道廉訪使陳天祥上疏曰。盜賊之起。各有原因。除歲凶饑饉之天時。宜且勿論。如軍旅不息。工役薦興。厚斂煩刑。皆足致盜。中間保護滋長之者。赦令是也。赦者。小人之幸。君子之不幸。彼強梁之徒。執兵殺人。有司盡力以擒之。朝廷加恩以釋之。旦脫係累。暮卽行劫。旣不感恩。又不畏法。夫凶殘悖逆。性已預定。誠非善化所能移。惟嚴刑以制之可也。疏上。乃嚴督有司追捕。自其所部南至漢江。二千餘里。多就擒者。山東東西道。元置屬中書省。領濟南等路。

括江南隱蔽田

凡巴延阿珠阿爾哈雅等下江南所據田及權豪隱蔽者悉括之令輸租

冬十月。贛州民作亂。江西行省左丞董士選。字舜卿。文討炳次子。平之。

贛州民劉六十聚眾萬餘。建立名號。朝廷遣將討之。觀望退縮。賊勢益盛。士選請自往。進至興國。注見前。距其營

不百里。命將校分兵守地待命。察知激亂之人悉置於法。復誅奸民之爲囊橐者。于是民爭出自効。數日。六十就擒。餘眾悉散。事平。士選遣使奏聞。但請黜賊吏數人而已。畧不及破賊事。時稱其不伐。

丁酉大德元年春正月太后幸五臺山在山西代州五臺縣東北五峯聳立高出

雲表山上無林木有如壘上之臺故名元和志云道經以為紫府山內典以為清涼山

初為太后建寺于五臺山司程陸信等董其役驅迫民

夫冒險入山谷伐木運石死者萬餘人及太后臨幸五

臺河東廉訪使王忱因言建寺本以福民今福未及而

害已甚恐非朝廷意也太后聞之為減其役仍賜恤死

者之家太后之將幸五臺也監察御史李元禮上疏諫止臺臣不敢以聞其後侍御史烏遜與中丞崔

或有大言謗佛帝大怒敕旺扎勒布呼密鞠之旺扎勒曰

往吾亦嘗以此諫太后曰我非喜建此寺蓋先帝嘗許

為之非汝所知也布呼密曰他御史懼不敢言言者惟

一元禮可賞也旺扎勒等為帝言之帝沈思良久曰御

史言是也乃罷烏遜復元禮職李元禮字庭訓正定人按烏遜舊作萬僧今改

夏四月癸巳朔日食。

秋七月河決杞縣蒲口。

在縣北舊爲汴水分流處。

先是河決汴梁發丁夫三萬塞之至是蒲口復決乃命

廉訪使尙文

字周卿祁州深澤人徙保定。

相度形勢爲久利之策文

言河自陳留抵睢東西百有餘里南岸視水高六七尺

或四五尺北岸故隄水視田高三四尺或高下等大較

南高于北約八九尺隄安得不壞水安得不北也蒲口

今決千有餘步東走歸舊瀆行二百里至歸德橫隄之

下復合正流或強遏之上決下潰功不可成揆今之計

河北郡縣宜順水性築長隄以禦汎溢歸德徐邳之民

任擇所便避其衝突被害民戶量給河南退灘地以爲

棄地與水在洪荒之世則然逮後世戶口日繁郡邑相望惟有隨宜堵塞以使之順軌而已若蒲口之決

河孔悉被其害一旦欲舉
千里之口曠廢星視
其委棄洪濤將何以爲生
民保障即使遷他處所給
與世業而舍此就彼已違
斯民安土之情况河身變
徙無常設異日復決而南
又將更遷何所乎向文所
陳益勦襲實議故說揆之
時勢萬不可行其後此之
潰決復閭以致連年隴塞
者實由修築未堅故不能
久資鞏固耳當時論者乃
以爲文言果驗而不知考
隄防工作之由何其昧于
識也

業異時決他所亦如之亦一時救患之良策也蒲口不
塞便帝從之會河朔郡縣及山東憲部爭言不塞則河
北桑田盡化魚鼈之區塞之便帝復從之是後蒲口復
決障塞之役無歲無之而水北入河復故道竟如文言
冬十月奇卜察克都指揮使綽和爾圖圖爾哈第三子舊
作牀兀兒今改正攻破巴林之地按巴林舊作八鄰據元史志傳考之其地
應在今阿爾泰山西北又考元裔順義王
諱達居西北邊其子有巴林台吉之號後東徙爲今巴
林部落八鄰蓋係巴林之訛按諱達舊作俺答今改正還
擊海都軍敗走之

巴林時爲海都所據綽和爾帥師踰金山攻之其將特

爾特

舊作特靈
台今改

阻達嚕噶

舊作答魯
忽今改

河

與下阿嚕河俱
在阿爾穆爾境

而軍伐木柵岸士皆下馬跪坐持弓矢以待綽和爾奮

師馳擊大破之。盡得其人馬廬帳。還次阿嚕。舊作阿雷。今改。河

與海都援將博拜。舊作字伯。今改。遇綽和爾麾軍渡河。蹙之。博

拜敗走。僅以身免。

以吳元珪

字君章。廣平人。爲吏部尙書。

時選曹銓注多有私其鄉人者。元珪曰。此風不可長。自

視事。請謁悉皆謝絕。

十二月。禁諸王駙馬奪民田。

仍禁民間以公私土田呈獻。及受其獻者。

戊戌二年春正月。增太廟牲用馬。

從伊徹察喇請也。凡舉大祭。其馬牲旣與三牲同登于俎。而割奠之饌。復與籩豆俱設。將奠。牲盤酌馬湏。則蒙

古太祝升詣第一座呼帝后神諱以致祭年月日數牲齊品物致其祝語列室皆如之禮畢則以割奠之餘撒于櫺星門外名曰拋撒茶飯蓋以國俗行事尤所重也二月以張九思梁德珪並爲平章政事

初太子精吉木卒朝議欲罷詹事院九思時爲詹事丞抗言曰皇孫宗社人心所屬詹事正所以輔成道德者不可罷尋進拜中書左丞德珪于世祖時參知政事治事有敏才京師地震世祖怪州郡報囚之數過多德珪曰當國者急于徵索蔓延收繫以致此爾帝悟爲赦中外逋負尋拜右丞至是並爲平章政事

罷中外土木之役

先是中書省臣屢言。諸藩歲賜與繁重。向之所儲散之。殆盡。至是。遂諭省臣會計天下財帛歲入。及賜與營建。歲費之數。丞相旺扎勒言。歲入之數。不償所費。又豫于至元鈔本借二十萬錠。因以節用爲請。帝爲罷中外土木之役。

開鐵幡竿渠。

元時上都渠名。今宣化府獨石口東北有鐵幡竿嶺。在故開平城南。渠蓋導源于此。

時欲開鐵幡竿渠。召郭守敬至上都議之。守敬曰。頻年山水暴下。非大爲渠堰。廣五七十步不可。執政吝于工費。以其言爲過。縮其廣三分之一。明年大雨。山水注下。渠不能容。漂没人畜廬帳。幾犯行殿。帝謂省臣曰。郭太史神人也。惜其言不用耳。

三月以兩淮閒田給蒙古軍。

夏六月徵湖廣夏稅。

初阿爾哈雅下湖廣罷宋夏稅用內郡例改科門攤每戶一貫二錢蓋視夏稅增鈔五萬餘錠至是宣慰張國紀復請科夏稅與門攤併徵湖湘重罹其害御史臺以爲言詔趣罷之尋復改門攤爲夏稅併徵之每戶計三貫四錢以上視江浙江西爲差重云。

秋七月大雨河決。

漂沒歸德屬縣田廬禾稼詔免田租一年遣尙書諾海御史劉廣等塞之自蒲口首事凡築九十六所。

召高麗王諫入朝。

先是高麗王𦞑傳國于其子諲。諲以諲為高麗王。𦞑為逸壽王。至是有

言諲僭設司空司徒等官。又擅殺無罪。及自造歷等事。

中書請詔諲入朝。因留不遣。復以𦞑為高麗王。

江西江浙水。

賑饑民二萬四千九百有奇。

冬十二月。定歲課三十取一。

命廉訪司歲舉廉幹者各二人。

彗星見。

出子孫星下。

二十八宿外。參東南有軍市十三星。軍市西南二星曰丈人。丈人東二星曰子。子東

二星曰孫。見晉書天文志。

駙馬高唐王克降濟蘇。

翁觀部人。沙陀雁門之後。勒兵備邊遇寇敗沒。

先是諸王額布根

太宗第六子哈丹大王之子。舊作也不干。今改。後仿此。叛。克哱

濟蘇屢禦之有功。至是。諸王將帥共議備邊事。咸曰。敵

往歲不冬出。且可休兵于境。克哱濟蘇獨嚴兵待之。冬。

敵果大至。克哱濟蘇三戰三克。乘勝逐北。馬躡爲敵所

執。誘使降。不屈。又欲妻以女。克哱濟蘇毅然曰。我天子

婿也。非天子命而可再娶乎。竟不屈死焉。

後追封趙王。諡忠憲。

己亥三年春正月。遣使問民疾苦。

省臣以天變屢見。請依故事。引咎避位。上曰。此漢人所

說。豈可一一盡從耶。卿但當擇賢者任之爾。時翰林學

士閻復亦因星變上書陳數事。且言古者刑不上大夫。

今郡守之貴。以徵租受杖。非所以勵廉隅。江南公田租

應天以實不以文。省臣卽欲以熾理自居。益當勤修職事。以致儆懼。未聞引咎避位。卽可消飛沴而習休嘉。漢代策免三公。實可嗤鄙。奈何轉仿之乎。

太重。宜減以貸貧民。多采用之。

以哈喇哈斯爲左丞相。

帝問閣復曰。中書左相難其人。卿試舉所知。誰可任者。復以哈喇哈斯對。遂由江浙左丞相召入用之。

二月遣僧一山使日本。

江浙平章政事伊遜舊作也速答兒今改遜岱爾。復勸帝用兵日本。

帝曰。今非其時。因其俗奉佛。遂遣一山往使。而日本竟不至。

命何榮祖等更定律令。

帝諭榮祖曰。律令良法也。宜早定之。旣而書成。上之。且言臣所擇者。三百八十條。一條有該三四事者。帝曰。古

今異宜不必相沿。詔元老大臣聚聽之。未及頒行而榮

祖卒。諡文憲。

夏五月立征東行省。

領府二司一。勸課使五。考元史地理志。征東行省。大德三年立。未幾罷。至

治元年復立。令高麗國王爲左丞相。續綱目于此作復立。與地志不合。今依志不書復。

高麗王矩旣復爵。已而使臣自其國還者言矩不能服

其衆。乃立征東行省。以福建都元帥克哱濟蘇

此又一克哱濟

蘇蒙古阿齊台氏爲平章政事共理之。

秋七月放江南僧寺佃戶五十萬爲編民。

江南編民五十餘萬。悉爲嘉木揚喇勒智入寺籍爲佃

戶。至是因省臣言檢放之。

八月己酉朔。太史院奏日食不應。

是日巳時。依歷法。當日食二分有奇。至期不食。衆懼。保

章正

太史院官。秩正七品。

齊履謙

字伯恒。善推步。

曰。當食不食。在古有之。

矧巳時近午。陽盛陰微。故當食不食。遂考唐開元以來。當食不食者。凡十事。以聞。

冬十二月。以諤爾根薩里爲平章政事。

帝初撫軍北邊。數召諤爾根薩里不往。世祖遣奉皇太子寶。僅一至。及卽位。語之曰。朕在潛邸。誰不願侍朕者。惟卿數召不往。真得大臣體。自是召對不名。賜坐視諸侯王。嘗語左右曰。若全平章。諤爾根薩里父。別名萬全。故以全爲氏。真全材也。命復入中書。

命兄子海桑

帝兄達爾瑪巴拉之長子。卽武宗。舊作海山。達爾瑪巴拉。舊作荅刺麻。

按海桑入刺。今

並改。後鎮漠北。
仿此。

帝以寧遠王庫克楚

世祖第八子。後封寧王。舊作濶濶。出今改。總兵北邊。怠

于備禦。命海桑卽軍中代之。

省民出公田租。

時公田爲民害。而荆湖尤甚。部內實無田。隨民所輸租。

取之。戶無大小。皆出公田租。雖水旱不免。荆湖宣慰使

勒芝喇幹。

塘古特烏密氏。功臣察罕從孫。按勒芝喇幹。舊作立智理威。今改。

上民所不

便。十餘事于朝。其言公田尤切。廷議遣使理之。會有詔。

凡官無公田者。始給俸。民力少蘇焉。

庚子四年春二月丁未朔日食。

皇太后翁吉喇特氏崩。

后有賢德。及是崩。諡徽仁裕聖皇后。后事昭睿順聖皇后。執婦道甚謹。及

尊為太后。置徽政院。掌其財賦。院官有受獻浙西田七百頃者。籍于位下。后曰。我寡居婦人。衣食自餘。况江南率土。皆國家所有。曷敢私之。即命盡易院官之受獻者。后之弟欲因后求官。后拒之曰。勿以累我也。

夏五月。緬阿散哥也弑其王的立普哇拿阿廸提牙遣雲

南平章政事薛綽爾。舊作薛超兀兒。今改。後仿此。等發兵討之。

初。緬人僧哥倫作亂。緬王執其兄阿散哥也。尋釋之。阿

散哥也乃率其黨囚王于豕牢。因弑之。王次子窟麻刺

哥撒八奔愬京師。詔遣薛綽爾等率行省兵二千人往

討之。已而詔立窟麻刺哥撒八為緬國王。

昭文館大學士平章軍國事布呼密卒。諡文貞。

布呼密雖歷顯要。而家素貧。卒無以葬。賜鈔賻之。初。世祖嘗

謂布呼密曰太祖有言人主理天下如右手持物必資左手承之然後能固卿實朕之左手也布呼密每陳說古今治要世祖必拊髀嘆曰恨卿生晚不得早聞此言然亦吾子孫之福臨終以白璧遺之曰他日持此以見朕也至大時
贈魯國公

秋八月更定蔭敘格

正一品子敘正五從五品子敘從九餘以是爲差

冬十二月遣雲南行省左丞劉深將兵擊八百媳婦

西南蠻世

傳其酋有妻八百各領一寨故名其地東接車里西與緬鄰距雲南布政司三十八程

先是緬賊阿散哥也倚八百媳婦爲援其勢張甚至是

旺扎勒因劉深之言勸帝曰世祖以神武一海內功蓋

萬世今陛下嗣大歷服未有武功以彰休烈西南夷有

八百媳婦未奉正朔請往征之哈喇哈斯曰山嶠小夷

遼絕萬里。可諭之使來。不必遠勤兵力。不聽。竟發兵二萬。命劉深及哈喇台舊作哈刺帶。今改。後仿此。等將之以往。御史中丞董士選亦言。不當輕信一人妄言。而寘百萬生靈于死地。帝變色曰。事已成。卿勿復言。麾之出。

辛丑

五年春正月。罷征東行省。

先是。征東行省平章克哱濟蘇言。高麗王擅署官府。及僭用天子禮儀器物。况官冗民稀。刑罰不一。若止依本俗行事。實難撫治。帝遣刑部尙書王泰亨等往釐正之。既而王哱言。設省監制其國。不便。帝亦以克哱濟蘇不能和輯高麗。遂罷行省。徵之還。

夏五月。劉深兵次順元。

今貴州貴陽府。元爲順元。安撫司治。

蠻酋宋隆濟

黔記

宋開寶間。有真定人宋景陽。奉詔平定羣蠻。因置大萬谷落總管府授之。其後子孫分長溪崗。自宋元迄明。所謂水東宋氏也。等連兵反。

劉深等取道順元。遠冒烟瘴。未戰。士卒死者已什七八。驅民轉餉谿谷之間。一夫負粟八斗。率數人佐之。數十

日乃達。死者亦數十萬人。中外騷然。深復令雲南調民

供餽。及脅求水西。

蠻地名。黔記。蜀漢時。蠻火濟從諸葛武侯南征有功。封羅甸王。凡數十世。

保有水西之地。

明時土司安氏。即其後也。通志。本朝康熙間。安氏叛。討平之。置黔西府。後改爲州。屬貴州大

定。土官之妻蛇節。金三千兩。馬三千匹。隆濟因給其衆。

曰。官軍徵發汝等。將悉剪髮黥面爲兵。衆惑之。隆濟遂

連蛇節。率苗獠諸蠻。攻破楊黃諸寨。

蠻寨名。

進攻貴州。

元置。

明改新貴縣。

知府張懷德力戰。敗死。遂圍深窮谷中。梁

今省入貴筑。

王自雲南遣兵救之。賊衆稍却。

秋七月。詔移征緬兵。伐金齒諸蠻。

先是。緬阿散哥也遣其弟赴闕。自陳殺主之罪。乃罷征緬兵。及是師還。爲金齒所遮。士多戰死。金齒地連八百媳婦。諸蠻相效。不輸稅賦。賊殺官吏。詔遣薛綽爾等移征緬兵討之。

八月。彗出井。入紫微垣。

凡四十六日而滅。後二年。彗復出紫微垣。七十四日而滅。

海都復大舉入寇。海桑大破之。海都走死。

海都與都幹舊作篤哇。今改。後仿此。諸部大舉入寇。海桑躬督綽

和爾等五軍合擊。大破之。阿什伊奇哩氏呼蘭之子。舊作忽憐。今改。射都

行書歷代通鑑輯覽 卷之九十六 三
幹中膝號哭遁去。海都不得志。引還。旋亦死。

九月。誅高慶察罕布哈。免薛綽爾爲庶人。

先是薛綽爾及高慶等圍緬。未奉移兵金齒之詔。慶等已受緬人金賂。倡言炎暑瘴癘。薛綽爾遽引兵還。及是事聞。詔遣官鞠之。盡得將校受賂狀。詔誅慶及察罕布哈。薛綽爾遇赦。削奪官爵爲庶人。

禁酒。

時以歲凶禁酒。仍弛山澤之禁。聽民漁獵。

冬。十月。益海運糧。

以畿內歲饑。增明年海運糧爲百二十萬石。

十一月。遣劉國傑率師討宋隆濟及蛇節。

劉深兵敗帝始悔不用哈喇哈斯及董土選之言乃遣
劉國傑及楊賽音布哈本名漢英字熙載其先太原人自唐時平播州世有其地元世祖初漢英名賽音布哈等率四川雲南湖廣各省兵分道
進討諸蠻別敕梁王提兵應之軍中機務一聽國傑處
分。

壬寅六年春正月免朱清張瑄官尋誅之。

二人父子致位顯要。

清瑄初為海道運糧招討使後又以清為中萬戶賜虎符瑄子文虎

為千戶

宗戚皆累大官田園館舍徧天下巨艘大舶交

諸番中廩藏倉庾相望車馬填塞門巷從僕佩金虎符
為萬戶千戶者累數十人江南僧石祖進撫其不法事
上聞時中書亦言二人屢致人言宜罷其官詔御史臺

鞫之既而伏誅尋籍其家禁錮其親屬流其妻子遠方。

初二人被逮時以金珠略工。章托兄托祈蔽其罪。托克托以聞帝喜曰托克托我家老臣子孫其志固宜與衆人殊也。賜內帑黃金五十兩以旌之。托克托舊作脫脫今改呼哩後薩滿之子。

劉深引兵還

宋隆濟累攻圍貴州不解深等糧盡道梗不通遂引兵

還隆濟復率衆邀之輜重委棄士卒殺傷殆盡。南臺御史中丞

陳天祥上書諫曰八百媳婦乃荒裔小夷取之不足以

爲利不取不足以爲害而劉深欺上罔下帥兵伐之中

途變生所在皆叛食盡計窮倉皇退走喪師十八九棄

地千餘里朝廷又發各省之兵以圖收復此聞從征者

言經過之地皆重山複嶺陡澗深林其窄隘處僅容一

人一騎賊若乘險邀擊我軍雖衆亦難施爲或諸蠻遠

迫阻隘以老我師進不得前旁無所掠將不戰自困矣

且自征伐倭國占城交緬諸夷以求近三十年未嘗有

舉何以異之乞早正深罪仍下明詔招諭彼必自歸

劉深功起復肆行誅擾激變蠻方其罪固無可貸但蠻人既抗拒王師卽爲國法所不容自當聲罪進剿以伸天討而播國威陳天祥乃請下詔招諭謂彼必自相歸順肅清之見實昧事機無論征伐不

逆勢難中止。即使其貌為降。附而變。夷狡猾反覆。又何足信乎。其後西南夷相承煽亂。皆以供輸煩勞為詞。則由司事者之撫馭失宜。不得謂天祥能料于先也。

順。不須遠勞王師。與小醜爭一旦之勝負也。苟謂業已如此。欲罷不能。亦當詳審成敗。算定而行。彼諸蠻皆烏合之眾。必無久能同心捍我之理。但急之則相救。緩之則相疑。以計使之。互相讐怨。待彼有可乘之隙。我有可動之時。徐命諸軍。數道俱進。服從者懷之以仁。抗敵者威之以武。恩威兼濟。功乃易成。若復舍恩任威。深蹈覆轍。恐他日之患。有甚于今日者矣。不報。遂謝病去。

二月。帝有疾。

三月。赦。

西南夷俱叛。遣陝西行省平章政事伊遜岱爾副哩克人等討

平之。免劉深等官。

烏撒。元路明為軍民府。今改。烏蒙。元路明為軍民府。屬

雲南。東川。元路明為軍民府。屬四芒部。元路明為軍民府。屬

及武定。元路明為府。屬威楚。元路明為府。屬普安。元路明為府。屬

州屬貴州南籠府。

諸蠻因蛇節之亂。皆以供輸煩勞爲辭。乘釁起兵。攻掠州縣。焚燒堡砦。遣伊遜岱爾等將兵會劉國傑討之。時國傑方討順元蠻。不及來會。伊遜岱爾等率師分道並進。次第平之。

夏五月。太廟寢殿災。

六月癸亥朔。日食。

太史院失于推策。詔議其罪。

秋九月。龍興

今江西南昌府。元時爲龍興路。

民訛言括童男女。

至有殺其子者。命捕爲首者三人誅之。訛言始息。

癸卯

七年春二月。詔定中書省官。

詔中書省設官。自左右丞相而下。平章政事二員。左右

元代設官分職皆有定數
可稽若賊污官吏多至一
萬八千餘人是天下竟無
一潔清自守者即云貪黷
成風亦不應若是之甚况
元中定制犯賊至百貫
以上即論死考嚴未嘗少
縱又何至積如許邊吏待
巡行使之概為劾罷耶如
果同時盡予斥免則官僚
且為之一空何未聞另選
多人以補其缺耶史載元
事皆不免過甚之詞揆之

丞各一員參知政事二員定為八府。此中書省官數。本至元二十二年舊制已詳前注。今因更定八府故復載之。據元史百官志至元末中書省平章或增至六員蓋已非復舊制是年所以更定也。乃八府之制止見成宗本紀而百官志不載此必志有脫漏今依本紀輯。

三月遣使巡行天下。

罷賊污官吏萬八千四百七十三人。審冤獄五千一百七十六事。

劉國傑敗宋隆濟及蛇節于墨特川。在貴陽府西北。擒斬之。

初國傑師出播州境與賊遇戰失利乃令軍士人持一盾布釘其上俟陣合即棄盾佯走賊果逐之馬遇盾皆仆國傑鼓譟趣之賊大敗既而餘寇復合要戰國傑不應數日命楊賽音布哈分兵先進大軍繼之賊兵潰乘

于理殊不可信

勝逐北千里。殺獲無算。遂破之于墨特川。擒斬蛇節。隆濟遁去。尋爲兄子宋阿重執之來獻。詔斬之。餘黨相繼平。

復以特格爲平章政事。

初特格乞解機務。詔仍以平章議中書省事。時諸王朝見未有知典故者。帝曰。惟特格諳之。凡賜予諸王禮節。悉命掌行。至是復以爲平章政事。

旺扎勒及巴延等俱坐贓。巴延等免官。旺扎勒釋不問。

初朱清張瑄以金帛賂貴近。無不受之者。事敗。監察御史杜肯構等言。旺扎勒等與二人交通。宜罪之。詔巴延

密喇卜和卓。

舊作迷兒火者今改。

梁德珪。巴特瑪琳沁。

舊作入都馬辛今改。

等。謫戍遠邊。段真諤爾根薩里等。罷職不敘。俱籍其家。惟旺扎勒不報。既而御史及樞密院臣復言。中丞董士選亦嘗貸二家鈔爲非義。帝曰。既云稱貸。不必問也。誅劉深。罷雲南分省。

時有司會赦。議釋深罪。哈喇哈斯曰。徼名首釁。喪師辱國。非常罪比。不誅無以謝天下。遂誅之。

蘭谿處士金履祥

其先本姓劉。五季時避錢鏐。嫌名改姓金氏。履祥字吉父。卒。

履祥少從學同郡王柏及何基之門。造詣益遠。晚歲屏

居金華山

在金華府金華縣北。一名長山。元和志。長山赤松子得道處。

中講道著書。

以淑後進。

所著有通鑑前編。大學章句疏義。論孟集注。考書表注。授門人許謙以傳。

許謙字益之。

金華人。

當時以爲基之清介純實。似尹和靖。栢之高明剛

正似謝上蔡履祥則親得之二氏而並充於己者也家

在仁山

在金華府蘭谿縣西與道峯山相對

之下學者因稱仁山先生

正至

中賜諡

文安

夏閏五月戊午朔日食

右丞相旺扎勒卒

元貞以來旺扎勒號為賢相特朱清張瑄之賂帝釋不

問人皆疑之

後追封興元王諡忠憲

六月遣蒙古軍戍瓜沙二州

御史言瓜沙二州為邊鎮重地今大軍內屯甘州使官

民反居邊外非宜乞以蒙古軍萬人分鎮二州險隘兼

立屯田以供軍從之

既而簽樞密院齊諾言蒙古兵在山東河南者往戍甘肅動涉萬里

裝橐鞍馬皆其自備。每行必鬻田產甚者或賣妻子。戌者未歸代者當發前後相仍困苦日甚。請以近甘肅之兵戍之。其在山東河南者免戍。詔從之。齊諾裕爾別里伯雅烏爾氏舊作齊努玉耳別伯里牙吾兒。今並改。秋七月都幹遣使乞降。

都幹既敗聚其屬及海都之子。

名徹伯爾。按徹伯爾舊作察八兒。今改。

遣使請命。使至伊徹察喇會諸王將帥議曰都幹乞降

事當待命于上。然往返再閱月恐失事機。乃使馬烏赫

哩

舊作馬兀合刺。今改。後仿此。

往報之。既遣始以聞。帝嘉之。詔慎飭

軍士安置驛傳以俟。自是諸王叛者相率來歸。

兩浙大饑。

平江等十五路。淫雨害稼。詔發粟賑民一月。仍減直鬻米三十萬石協濟之。時台州諸路旱饑尤甚。行省檄浙

東元帥托歡徹爾

舊作脫歡察兒。今改。後仿此。

賑之。托歡徹爾殘虐

不恤。治中陳孚訴于宣撫使。亟發廩以賑民之殍者。已

十六七。

以哈喇哈斯爲右丞相。阿呼岱

舊作阿忽台。今改。後仿此。爲左丞相。二

爲武宗繼統所係。故特書。

八月地震。

平陽太原尤甚。村堡移徙。地裂成渠。壞廬舍萬八百區。人民壓死不可勝計。詔問致災之由。齊履謙言。地爲陰而主靜。妻道臣道子道也。三者失其道。則地爲之不寧。弭之之道。大臣當反躬責己。去專制之威。以答天變。不可徒爲祈禳也。時帝寢疾。宰臣及中宮專政。故履謙言。

及之。集賢大學士陳天祥亦上書。極陳陰陽不利。天地不位。爲時政之弊。言尤切直。執政者惡之。抑不以聞。天祥

自被召起。止一歲。每以不得一見。帝言鬱鬱不自釋。尋復謝病歸。

遣翰林直學士王約字彥博。真定人。使高麗。徵其臣吳祈入朝。尋流之安西。

昨旣復位。厚斂淫刑。國人羣愬于朝。因得其國相吳祈。耑權離間王父子狀。詔遣約諭之曰。天地間至親者父子。至重者君臣。彼小人知自利。寧肯爲汝家國地邪。昨泣謝罪。且請子諒還國。奸人黨與。悉從約治。遂徵祈赴闕。鞫之。流安西。

冬十月。詔互遷行省官之久任者。

時諸道奉使言。行省官久任。多與所隸編民聯姻。殊爲害政。詔互遷之。

十二月。詔翰林。太史院官。勿致仕。

時詔內外官七十者。並聽致仕。獨郭守敬以先朝舊德。朝政多謬之。累請謝事。不許。自是凡翰林。太史官。不許致仕。著爲令。

甲辰八年春正月。京師地震。

帝弗豫。皇后召平章政事阿錫葉

錫葉。以弗林人。按阿錫葉。舊作愛薛。今改。

後仿

此。問曰。災異如此。殆下民所致邪。阿錫葉曰。天地示警。民何與焉。

二月。增置國子生。

初增蒙古生百員。至是增置二百員。選宿衛大臣子孫充之。尋復分教于上都。

夏五月癸未朔日食。

秋九月復巴延等官。

御史杜肯構等言。巴延等樹黨受賕。謫戍遠方。道路相慶。方經數月。遽聞召復相位。又與原鞫者列坐朝堂。天下之人。目巴延。梁德珪。巴特瑪琳沁爲三凶。三凶不誅。無以謝天下。況密喇卜和卓阿里等與之同惡相濟。濁亂朝綱。是以比年災異屢見。雖朝廷存恤之詔累頒。而禍亂之源未塞。上失其政。民受其殃。乞將羣凶。或斥或誅。明正其罪。御史中丞何通亦以爲言。前後章數十上。

皆不報。

冬十月立海桑爲懷寧王。

出鎮青海。

在和林境。元爲屯田之所。置倉庫以軍守之。按青海舊作稱海。今改。

九年春三月隕霜殺桑。

般陽。

今山東濟南府淄川縣。元般陽路治此。

益都河間諸路凡殺桑二百

四十一萬七十餘本。

夏四月大同地震。

有聲如雷。壞官民廬舍五千餘間。壓死二千餘人。

始定郊祀禮。

元初代有拜天之禮。然皆循用國俗。

其初衣冠尙質。祭器尙純。帝后親之。

宗戚助祭。憲宗二年始以冕服拜天于日月山。又用孔元措言。合祭昊天。后土。始大合樂。作牌位。以太祖睿宗。

配享世祖中統二年祀天子舊桓州之西北灑馬潼口
為禮皇族外無得與至元十二年以受尊號始于國陽
麗正門外建祭臺設昊天上帝皇地祇位二行一獻禮
至大德六年合祭昊天上帝皇地祇五方帝于南郊遣
左丞相哈喇哈斯攝事至是哈喇哈斯等言比年地震
孔元措孔子裔孫星變雨澤愆期歲比不登祈天保民之事有天子親祀
者三曰天曰祖宗曰社稷而祭天尤大陸下雖未及親
祀宜如宗廟社稷歲時遣官攝行之制下翰林集賢太
常及中書議之以為周禮冬至圜丘禮天夏至方丘禮
地西漢元始間始合祭天地歷東漢至宋千有餘年分
祭合祭迄無定議然時既不同禮樂亦異王莽之制何
可法也今當循三代之典祀天南郊而方丘之禮續議
以聞又按周作壇壝三成近代增四成以廣天文從祀

之位。今宜去其一成。以合陽奇之數。每成高八尺一寸。以合乾之九九。壇設丙己之地。以就陽位。又古者器用陶匏。席用橐鞬。漢唐而後。禮樂玉帛。日益繁縟。宋金多循唐禮。今欲脩嚴。非草創所能備舉。宜取唐制損益而行之。既而太常復議尊祖配天之儀。省臣曰。自古漢人有天下。率尊祖以配天。宗廟已有時享。郊止祭天爲宜。中丞何瑋曰。嚴父配天。不易之制也。不從。

六月立子德壽爲皇太子。

後十二月卒。

秋七月。命兄子阿裕爾巴里巴特喇。

達爾瑪巴拉次子。海桑母弟。卽仁宗。按阿

裕爾巴里巴特喇舊作愛育。黎拔力八達。今改。後仿此。居懷州。

時皇后秉政。出阿裕爾巴里巴特喇。與其母翁吉喇特。

氏居于懷州。

八月給曲阜林廟灑掃戶。

以尚珍署田五十頃供祭祀。

賈胡獻寶珠。

西域賈人有獻寶珠求售者。議以六十萬錠酬其直。省

臣有請左丞尚文者曰。此所謂雅郭舊作押忽。今改。大珠也。六

十萬酬之不爲過。文問何用。客曰。含之可不渴。熨面可

使目有光。文曰。一人含之。千萬人不渴。則誠寶也。若一

寶止濟一人。則用已微矣。吾之所謂寶者。米粟是也。有

之則百姓安。無則天下亂。以功用較之。豈不愈於彼乎。

丙午十年春正月。罷江南白雲宗都僧錄司。

一曰修其教不易其俗齊
其政不易其制中國且然
况馭藩服乎立行省以監
人國本無裨于實事而乃
曲徇臣工之請朝更暮易
至再至三更復成何政體

汰其民歸州縣。各寺田悉令輸租。初南臺御史言江南
寺觀田畝歷年詔免租賦上虧公額下侵民利其所錄
民戶或罹饑窘爲其徒者坐視不卹乞於秋成之時驗
其頃畝減半徵之以備凶歲推賑其民庶幾利害稍均
不加費於官府也從之。

夏五月遣高麗王諫還國復置征東行省。

高麗王昨旣卒遂遣諫還仍置行省鎮撫之。諫尋更名
章奏言國

中饑饉供億不勝請罷征東
行省從之。事在至大元年

秋八月開成。元置開成府後改爲州明省
故城在今平涼府固原州地震。

先是晉寧。元路今山西
平陽府是冀寧。元路今山西
太原府是及諸郡地數

震至是開成又大震壞王宮。世祖于安西
王鎮開成及官民廬舍。

壓死五千餘人。

冬十二月帝有疾。

丁未十一年春正月安西王阿南達

世祖次子莽噶拉木之子。至元十七年襲封。

及諸王穆爾特穆爾入朝。

皇后召之也。

帝崩。

廟號成宗。國語稱曰額勒哲依圖皇帝。

額勒哲依圖。蒙古語有壽之謂。

元史舊訛作完澤篤。

又作完者篤。今譯改。

史臣曰。帝承天下混一之後。善于守成。惟其末年。連歲寢疾。國家政事。內則決于宮闈。外則委于大臣。其所以不至廢墜者。則以去世祖未遠。成憲具在故也。

左丞相阿呼岱等謀奉皇后臨朝。以安西王攝政。左丞相

御批歷代通鑑輯覽 卷之九十二
哈喇哈斯遣使迎懷寧王海桑於漠北。及其弟阿裕爾巴里巴特喇於懷州。

后以已嘗謀出阿裕爾巴里巴特喇。及其母居懷州。恐其兄懷寧王立。必報前怨。故命召安西王入京師。欲立之。而左丞相阿呼岱。平章賽音諤德齊巴延巴特瑪琳沁。諸王穆爾特穆爾。陰左右之。謀斷海桑歸路。奉皇后垂簾聽政。立安西王輔之。於是阿呼岱以祔廟及攝位事。集廷臣議之。太常卿忠良博士張昇字伯高。平州人。曰。制祔廟必書嗣皇帝名。今將何書。御史中丞何瑋亦執不可。阿呼岱變色曰。制自天降邪。公等不畏死。敢沮大事。瑋曰。死畏不義爾。苟死於義。何畏。議遂寢。時右丞相哈喇

哈斯收百司符印。封府庫。稱疾守宿掖門。內旨日數至。皆不聽。衆欲害之。未敢發。適懷寧王遣剛哩克托都克布哈子實哈子計事京師。哈喇哈斯令急還報。復遣使南迎阿裕爾巴里巴特喇于懷州。

二月。阿裕爾巴里巴特喇至自懷州。誅阿呼岱等。執阿南達歸於上都。

哈喇哈斯使至懷州。阿裕爾巴里巴特喇疑未行。其傳

李孟

字道復。潞州上黨人。

曰。支子不嗣。世祖之典訓也。今宮車晏

駕。大太子遠在萬里。殿下當急還宮廷。以安人心。阿裕爾巴里巴特喇乃奉其母還大都。先遣孟趨哈喇哈斯覘之。適后使問疾哈喇哈斯所。孟入長揖。引其手診之。

衆謂孟醫也。竟不疑。旣而知安西之變有日。還報曰。事急矣。不可不早圖之。阿裕爾巴里巴特喇曰。當以卜決之。孟召卜者謂曰。大事待汝而決。第云其吉。及入筮。果吉。孟曰。筮不違人。是爲大同。阿裕爾巴里巴特喇喜。振袖而起。衆翼之上馬。諸臣皆步從。入哭盡哀。復出居舊邸。安西之黨見阿裕爾巴里巴特喇旣至。遂謀以三月三日。僞賀其生辰。因以舉事。哈喇哈斯僞許之。夜遣人啓阿裕爾巴里巴特喇曰。懷寧王遠不能猝至。恐變生不測。當先事而發。阿裕爾巴里巴特喇復遣都萬戶囊加特。奈曼人。詣諸王圖喇。太祖次子察罕台四世孫。舊作禿刺。今改。後仿此。定計。囊加特又力贊之。于是先二日。率衛士入內。稱懷寧王。

遣使召安西計事。至。即并諸王穆爾特穆爾執之。械送上都。收阿呼岱。巴特瑪琳沁。賽音諤德齊巴延等誅之。

諸王庫庫

舊作潤潤。今改後仿此。

雅呼圖

睿宗庶子博綽之孫。按雅呼圖。舊作牙忽都。博

純。舊作撥綽。今並改。後仿此。

進曰。今罪人斯得。太子實世祖孫。宜早

正大位。阿裕爾巴里巴特喇曰。惡人潛結宮壺。亂我家

法。故誅之。豈欲作威福以覬神器邪。懷寧王。吾兄也。宜

正大位。已遣使奉璽北迎之矣。遂自監國。與哈喇哈斯

日夜居禁中。備變。俾李孟參知政事。孟損益庶務。裁抑

僥倖。羣小多不樂。旣而曰。執政大臣。當自天子親用。今

鑾輿在道。孟未見顏色。誠不敢冒大任。固辭弗許。遂逃

去。不知所之。

夏五月懷寧王海桑至上都廢皇后巴約特氏居東安。元州
今爲縣屬順天府殺之。誅安西王阿南達及諸王穆爾特穆爾。遂
卽位大赦。

初海桑聞帝崩自阿勒泰至和林諸王勲戚合辭勸進。
王曰吾母及弟在大都俟宗親畢會議之。阿裕爾巴里
巴特喇旣平內難其母翁吉喇特妃惑於日者言欲海
桑讓位于阿裕爾巴里巴特喇。海桑聞之語剛哩克托
都曰我捍邊陲十年序又居長星命之言茫昧難信。設
我卽位後所行上合天心下副民望則雖一日之短亦
足垂名萬年。何可以陰陽家言而乖祖宗之託哉。此殆
用事之臣擅權尚殺恐他日或治其罪故爲是奸謀爾。

汝爲我往察事機。疾報我。乃親率大軍由西道。諸王阿

爾輝

舊作按
灰。今改。

由中道。綽和爾由東道。各以勁卒一萬從。

而遲迴不進。托都馳至大都。入道海桑言。妃愕然曰。修短之說。雖出術家。爲太子周思遠慮。乃我深憂。今貪慾已除。宗王大臣議已定。太子不速來何爲。汝所致言。殆有讒間。汝歸爲我彌縫之。而趣其來。先是。妃以海桑不至。復遣阿寶克布哈迎之。備道安西謀變始末。及太弟監國。與諸王羣臣推戴之意。至是托都繼往。行至中道。海桑輿中望見之。趨使同載。托都備述妃言。海桑大感悟。旣以阿寶克布哈爲平章政事。遣還報兩宮。阿裕爾巴里巴特喇。卽侍其母來會于上都。海桑遂卽位。

成宗昔以皇孫正位雖受
皇太子寶而名稱尚未曾
系阿裕爾巴里巴特喇與
武宗同氣既欲冊爲儲貳
自有西晉故事可循乃以
介弟而下蒙太子之號名
實混淆何以詔示天下其
後明宗復踵而行之至順
帝且尊嫡母爲太皇太后
名不正而言不順實武宗
有以啓之矣

追尊考曰順宗皇帝尊母翁吉喇特氏爲皇太后。

加哈喇哈斯托多爾海

舊作朶兒朶海

大傅達爾罕

舊作答刺罕今並改後仿

此。太保並錄軍國重事。

以達爾罕爲左丞相。綽和爾阿實克布哈並平章政事。

六月立弟阿裕爾巴里巴特喇爲皇太子。

詔定祔廟之次。

哈喇哈斯等言與翰林太常議皇考大行皇帝母兄也。

二帝神主依兄弟之次祔廟爲宜。擬謚皇考曰昭聖衍

孝皇帝。廟號順宗。大行皇帝曰欽明廣孝皇帝。廟號成

宗。升祔太廟。太祖居中。睿宗西第一。世祖第二。裕宗第

三。順宗東第一。成宗第二。先元妃翁吉喇特氏宜謚貞

慈靜懿皇后。祔成宗廟。制可。

胡粹中曰。睿宗裕宗順宗。皆未嘗居天子之位。但當

祔食於其所出之帝。而各爲立廟。已非禮矣。况成宗爲君時。順宗爲之臣。豈有依次升祔。而躋順宗于成宗之上者乎。失禮之中。又失禮焉。哈喇哈斯何瑋諸臣。何能逃其責乎。

秋七月。封圖喇爲越王。左遷右丞相哈喇哈斯爲和林左丞相。以伊徹察喇爲和林右丞相。進爵淇陽王。

初。皇太子入定內難。阿呼岱有勇力。人莫能近。圖喇實手縛之。以功封越王。哈喇哈斯力爭。以爲舊制。非親王不得加一字之封。圖喇疏屬。豈可以一日功。廢萬世之制。帝不聽。圖喇因譖于帝曰。安西謀于大統時。丞相亦嘗署其牘。由是罷爲和林行省左丞相。仍太傅。復錄軍國重事。哈喇哈斯至鎮。斬爲盜者一人。分遣使者賑貸降民。奏出鈔帛。易牛羊以給之。近水者。教取魚

鰲為食。命諸部置傳車。相去各三百里。凡十傳。轉米數萬石。以餉饑民。又度地置倉廩。積粟以待來者。求古渠浚之。溉田數千頃。令部民雜耕其間。歲得米二十餘萬。北邊大治。

制加孔子號曰大成。

制曰。先孔子而聖者。非孔子無以明。後孔子而聖者。非孔子無以法。所為祖述堯舜。憲章文武。儀範百王。師表萬世者也。可加大成至聖文宣王。遣使闕里。祀以太牢。以都指揮使茂穆蘇舊作馬謀沙及伶官錫迪舊作沙的。今等並改。後仿此。並為平章政事。

伶官微賤。本不可以名位。和酬况平章為政府大僚。尤非樂吏所當濫廁。昔唐莊宗過加寵任。已為史冊所譏。武宗乃令其敵體重。

茂穆蘇以角觝屢勝。遙授平章政事。錫迪等授平章。仍領玉宸樂院使。未幾。樂工有犯法者。刑部逮之。錫迪等以玉宸與刑部秩皆三品。官皆榮祿大夫。留不遣。中書

臣名器假入于斯已極而此輩既膺殊寵即自恃崇賄賂儼然抗行省部撓法亂政國是尚可問乎

以聞。帝曰。凡諸司視其資級。授之散官。不可超越。其閑冗職名官高者。宜遵舊制降之。周禮曰。平章執政之官。豈伶人之所宜任。揭而書之。所以志武宗荒逸之本。

八月。停內降旨選官。

省臣言。內降旨與官者。八百八十餘人。已除三百。未除者。猶五百餘。請自今越奏者。乞勿與。又外任官多帶相銜。非制。御史臺臣亦言。御史廉訪司官。宜從本臺公選。不當從諸臣所請。降內旨用之。帝曰。若此者。卿等皆當執勿與。未幾。省臣復言。比有應入常調者。或未入任。及已嘗廢黜者。亦復請自內降。已嘗奉詔禁革之。後所降內旨。復有百餘。臣等竊謂中書政務。他人輒得干請。如

此責效實難。自今銓選錢穀之事。不由中書議者。不得奏聞。從之。

賜諸王孝經。

中書右丞博囉特穆爾以國字譯孝經進。詔曰。此孔子微言。王公庶民皆當由是而行。命刻板模印。諸王以下咸賜之。

九月。帝至自上都。

冬。十月。命皇太子領中書令。

省臣言。初置中書省時。裕宗爲皇太子。嘗至省署。敕行中書令事。後僧格遷立尙書省。不四載而罷。今復建中書于舊省。乞從中書令位。請皇太子入省一蒞之。制可。

十二月山東饑。

遣禮部尚書吳鼎往賑之。時議發米四萬石。不給。則以鈔折之。鼎曰。民得鈔將何從。易米。請于朝。易米以行。

徵處士蕭醵。

字維斗。奉元人。

爲太子右諭德。

元史百官志。詹事院左右諭德各一員。

醵初出爲府史。上官語不合。卽引退。讀書南山三十年。

凡天文地理律歷算數。靡不研究。世祖時。辟爲陝西儒學提舉。不赴。後累召皆不起。至是徵拜太子右諭德。扶病至京師。入覲東宮。書酒誥爲獻。以朝廷時尚酒也。尋以病請解職。或問之。則曰。禮東宮東面。師傅西面。此禮今可行乎。俄擢集賢學士。國子祭酒。依前右諭德。疾作。固辭而歸。醵踐履篤實。教人必自小學始。爲文立意精深。言近而指遠。所著有三禮說諸書。卒。賜諡。

